



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
1489/D



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
1489/D



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
1489/D

1489
7

F VII c 17



Pauli d' Bonis stud 69.
 Rodolphi Jacobi stud 46.
 Heno cenonoma 32.
 Von imperiale civ 12.

217

Vol 48

48529

IVLII CAESARIS
CLAVDINI
PHILOSOPHI ET MEDICI
BONONIENSIS
Publici Medicinæ Practicæ Professoris
Ordinarii

DE CATARRHO
TRACTATVS.

In quo, quæcunque ad mali huius, siue cognitionem, siue curationem
pertinent, exactè, iuxtà, & breuiter enodantur.

Ad Illustrissimum, & Amplissimum
SENATVM BONONIENSEM.



BONONIAE, Apud Victorium Benatium. M. DC. XII.

—
SUPERIORVM PERMISSV.

IVLLI CAESARIS

CELVADINI

PHILOSOPHI ET MEDICI

BONONIENSIS

Publici Medicinae Practicae Professoris

Ordinarii

DE CATA RHO

TRACTATVS

in quo, prout in eodem tractatu, de cognitione, et curatione
demonstratur, et cetera, et cetera, et cetera.

Ad Illustrissimum, et Amplissimum

SENATVM BONONIENSEM.




BONONIAE, Apud Victorium Benasium. M.DC.XII.

22 FEBRUARII 1612



Illustrissimis, & Sapientissimis
QVINQVAGINTA VIRIS
BONONIAE SENATORIBVS
AMPLISSIMIS.



IVL. CAESAR CLAVDIVS S.P.D.



INTER praecepta cetera, quibus filium suum The-
salum, magnus ille Hippocrates, ad auita gloria imita-
tionem censuit imbuendum, id vnum quoque est, nec
postremum, mea sententia; qui vrbi sua, vel vernaculi
essent, vel saltem familiares ceteris morbi, ijs pra-
ceteris etiam, & cognoscendis ut vacaret, & cognitis
medicinam studeret facere. Vt enim, qui in ipsis Rei-
publica visceribus grassatur, hostis, eo, qui foris gerit
bellum, formidabilior est, & maiori periculo repellitur; ita rem se habere in mor-
bis, qui soli natua quadam proprietate, & tanquam genio, in mortalium sauiunt
valetudinem. Hoc Hippocratis praeceptum, cum semper alias, ex eo adeo, quo
medicinam facio, siue doceo, tempore, tum superioribus proximis diebus, praecipuo
quodam studio, obseruandum mihi existimaui; cum pro temporis ratione, de Catar-
rho mihi, frequenti auditorio, differendum esset; ut scilicet, quam fieri posset, ac-
curatissime, in ijs, quae ad mali huius pertinerent, quae cognitionem, quae curationem,
versarer. Experiendo siquidem, facto multorum annorum periculo, didiceram,
non magis Aegypto olim Elephantem, Achaëis lippitudinem, Atheniensibus poda-
gram, quam hunc Bononia nostra esse infestum. In hac verò cura, dum, ut dixi,
versatus essem, pro ingenij viribus, attentius, efflagitare caperunt, qui audierant,
qua pluribus, inter dicendum, ut solet, explanassem, ea ut in pauciora contracta, &
scripto comprehensa, sic publici iuris facerem. Non potui nolle hoc, qui nihil non
volo

volo eorum causa, qui huic semel sese, utilissimo mortalium generi, studio addixerunt. Morem igitur ijs gessi, & paucis pagellis rem totam complexus, sub vestro eam amplissimo nomine, apparere in publico multis de causis volui. Nam praterquam, quod res ipsa non videbatur deberi alijs, quam ijs, quorum saluti erat scripta, ego etiam iamdudum mea vobis omnia deuoui. Accessit ad hac omnia, iudicium vestrum, quod nuper de me honorificentissimum fecistis, & quo me, nihil tale cogitantem, benignissime ornastis. Hoc enim omnino aliquam à me gratitudinis significationem flagitabat. Eam verò, tametsi debueram fortassis luculentiori aliquo, & maioris opera scripto edere; malui tamen citò, quod me debere sentirem, reddere, quam, cumulatius licet reddendum, differre longius. Quippe sic existimaui, non tantum bis dare eum, qui citò dat, sed bis etiam gratias agere, qui agit citò. Vestrum erit, Illustriissimi Senatores, non tam signum gratitudinis, quam gratitudinis ipsum affectum pensare: & sic statuere, cum sapientissimo Seneca, qui gratè beneficium accipit, eum, si non omnem, at primam saltem eius pensionem soluisse. Quod ut faciatis, enixè maiorem in modum à vobis peto, daturus operam, ut imposterum, si non sub nomine, at sub auspicijs saltem vestris, maiora, & vberiora in publicum vsum, indies à me, magis, ac magis proferantur. Id quod prestare, nuper iam edito, De Ingressu ad infirmos Tractatu, conatus sum. Valete.

C A R M E N.

CLAVDINVS Medicus nulli hac aetate secundus
Curandis Morbis, vulneribusq; potens.

Hac Matris gratus studiorum Patribus offert,

Pro in se collatis munera muneribus.

Quid plura his opus est? animus nitet undiq; magnus,

Undiq; magna simul gratia, parq; fluit.

Hi pergunt donis cumulare frequentibus illum,

Ille hos pignoribus condecorare suis.

Sic Mare, & ambita immittit sua flumina terra,

Flumina restituit sic sua terra Mari.

Bella Senatorum, ac Ciuis contentio, bella

Vnde Vrbi utilitas, bella salusq; venit.

Carrite Felsinei Heroes vestigia capta,

Tu mala Peonia nobilis arte fuga.

Rhenucula exultate Chori, priscumq; nitorem

Credite cum prisco tempore adesse prope.

Sunt Artaxerxes vobis ex aethere lapsi

Celestis pariter lapsus, & Hippocrates.

Sunt, & Traiani meliores arce superna

Demissi, melior mente Galenus adest.

Sunt & Alexandri rebus non nomine magni,


Nomine diuerso magnus Aristoteles.

A tot reddi illos Magnatibus haud stupor ullus,

Vno hos CLAUDINO reddier, iste stupor.

Io: Dom. Lappij.

IVLII CAESARIS
CLAVDINI
PHILOSOPHI ET MEDICI
BONONIENSIS
DE CATARRHO
TRACTATUS.



VM multi sint affectus, in quibus præ cæteris medici desudare industriam, & studium decet: tum haud scio, vllusne sit, qui hoc nomine Catarrho, vel possit, vel debeat anteferri. Nam præterquàm, quod malum hoc communissimum est nostris temporibus, & plurimorum morborum seminarium, ac veluti mater, etiam homini cumprimis, & forte soli est infestum. Cuius rei tres ego causas existimo, vnâ, insignem cerebri humani humiditatem, ob quam Arist. 10. probl. 1. hominem magis cæteris brutis tussire affirmat.

Catarrhus eur-
hominem in-
primis, affli-
gat.

uit: alteram, ingluuiem, cui præ cæteris animantibus, magno suo malo, homo est deditus; vnde Plato 3. de Rep. sub persona Socratis, scriptum reliquit, non fuisse cognitum tempore Homeri Catarrhum, sed suo demùm tempore, ob exuperantiam cibi, & potus, genus mortale inuasisse: postremam, situm ipsius humani capitis, quod veluti tectum domus corporeæ, & tanquam ignis caminus, fumos & vapores omnes, qui in corpore gignuntur, destillationum non infimas causas, excipit. De hoc malo, pro virium mearum tenuitate, acturus in præsentia, nihil dubito, quin medicinæ quidam studiosis rem gratam & vtilem; alijs verò omnibus non iniucundam, suscipiam tractandam. Quare nec de vtilitate tractationis huius, nec de eius difficultate, quicquam mihi propositum est, ut fieri solet, in eius limine differere: quippe quorum alterum ex sese manifestum est, nec eget demonstratione; alterum ex ipsius dissertationis nostræ decursu, satis, opinor, euadet conspicuum; ita ut non sit necesse, longè petitis rationibus illud ostendere. Ad rem igitur ipsam rectè aggrediar, vbi tantillum priùs de ordine dixero, quo vsurus sum. Hic verò nihil ab eo recedet, quem aliàs, in singulis enarrandis morbis, tenere consueui. Considerabo enim, ut in alijs hætenus, ita hoc etiam in malo, quædam gratia finis medici; quædam gratia mediorum ad finem. Gratia finis perpendam Nomen, Generationem, Essentiam, Differentias, ac Proprietates, Signa vocatas; & ratione

1.

2.

3.

sig. mo

Ordo in hoc tra-
ctatu seruan-
dus.

A

essentiæ

essentiæ rursus formam, subiectum patiens, causas. *Gratia verò mediorum ad finem, de Indicationibus curatiuis, Prognostico, & Materijs præsidiorum pertractabo.* Sed age singula, quo ea proposita sunt ordine, persequamur.

N O M E N.

Nominis Ca-
tarrhi decla-
ratio.



CATARRHUM igitur ad nomen attinet, per Catarrhum intelligo Vitium cerebri, prout est Organum, non quidem facultatis animalis, sed naturalis nutritiue; merito cuius etiam alijs facultatibus ministrantibus vititur. Sumitur verò hoc nomen Catarrhi, aliquando latius, aliquando presius. Nam cum Catarrhus designet destillationem, seu defluxum à capite in varias corporis partes; hinc, si consideretur, prout refertur ad omnes à capite defluxus, in quamcunque fiat partem, latius nomen eius sumitur, sicq. de eo locutus est *Plato in 3. de Repub. & Gal. 3. aph. 12.* Atque Catarrhum hoc modo acceptum, Hippocr. si Cello credimus *lib. 4. c. 2.* Coryzam nominauit; quod tamen nomen, cæteri post ipsum Græci, in sola rauedine seruarunt, destillationem verò illam indifferentem appellarunt *καταρραγμὸν*: quemadmodum Cælius Aurelianus inter Latinos *lib. 2. cap. 7.* influxionem. Presius verò accipitur pro decubitu ad ori proximas partes tantum, nimirum ad palatum & os, nares & fauces; quo modo sumitur *3. de Sympt. caus. 4.* Quocūque autem modo sumatur, semper Catarrhus, si de notionali eius definitione sermo sit, cum *Paulo*, erit descensus humoris excrementitij à capite in partes subiectas, aut cū *Anicenna*, cursus materiæ à cerebro præter naturam.

GENERATIO CATARRHI.

Generatio Ca-
tarrhi.



GENERATUR Catarrhus, vbi cerebro occurrit aliquid morbificum, merito cuius facultas eiusdem alteratrix frustrata, excrementum crassum, quod gignit, gignit morbificum, ita ut è cerebro egrediens corpus necessario lædat. Hic verò modus generationis, vt intelligatur, illud in memoriâ reuocare oportet, quod traditum est à Galeno, & ab alijs medicis sæpè, nempe singulas nostri corporis partes ad se trahere alimentum, quo nutriantur: cæterum, si huiusmodi partes benè valeant, & alimentum sit probum, tunc optimam fieri concotionem, & pauca progigni excrementa; contrà, si partes malè habeant, uel alimentum prauum sit, tunc coctionem vitari, & parum alimenti in substantiam partium mutari, multa autem generari excrementa. Hac enim ipsa ratione Catarrhus quoque generatur *7. de usu part. 1.* Si. n. cerebrum benè habeat, sanguisq. laudabilis ad ipsum mittatur, tunc optima fit coctio, & pauca excrementa generantur, quæ faciliè per opportuna loca naturaliter, & sine noxa aliqua expurgantur. At si cerebrum malè habeat, & sanguis morbificus illi occurrat, rationi cōsentaneum est, alimentum fore paucum, excrementa verò copiosa, sæpius etiâ mala qualitate referta; quæ cum à natura nō possint regi, & detineri, ad partes subiectas, per vias patentes, à cerebro præcipitantur, cum natura comparatum sit, ut vna quæq. pars, quæcunque illi molesta sunt, ad alias partes propellat, *2. de diff. febr. ultimo, libro de causis morb. c. 6. 3. de facult. natur. cap. 13.*

ESSEN-

ESSENTIA CATARRHI, ET EIVS CAUSAE.



EX his Catarrhi definitio hæc colligi potest, ut *Catarrhus sit excrementum crassum, lædens corpus, prodiens à cerebro, & genitum in eo, ob eiusdem frustratam coctionem.* In hac verò definitione causæ omnes Catarrhi continentur, formalis scilicet, materialis, & efficiens. Nam finalem non habere locum in affectu præter naturam, de se manifestum est. Formalis igitur causa ijs verbis continetur, *excrementum crassum.* Nec obstat, quod Catarrhus significet motum, excrementum autem sit mobile. Quia in Catarrho semper fuit materia morbifica, quò sit, ut per hanc omnino ille definiendus sit definitione essentiali. Nam si definiretur per fluxionem, definitio potius esset notionalis. Dicitur verò excrementum, ad differentiam alimèti, quo cerebrum nutritur. Dicitur excrementum crassum, quoniam in qualibet coctione duo generantur excrementa vnum tenue, aliud crassum. Tenue in cerebro est vapor, qui in sublime elatus per futuras cranij excernitur. Crassum est mucus pituitosus, qui per membranam perforatâ egreditur, & ad varias partes, potissimum verò ad os perducitur. Est autem excrementum in Catarrho necessarium crassum. Nam tametsi tenue etiam adsit aliquâdo, semper tamen cum crasso illud est mixtum. Materialis causa explicatur, dum dicitur *excrementum à cerebro prodiens, & corpus lædens.* His enim verbis significatur locus generationis, nimirum cerebrum. Significatur & locus affectus, nempe corpus. Sed & præter hæc iisdem designatur, excrementum hoc esse & Symptoma, & causam morbificam. Nam cum sit affectus præter naturam, necessarium erit vel morbus, uel causa morbi, uel Symptoma. Non est morbus, ut de se patet. Est igitur causa morbi, quâ lædit corpus: est Symptoma ex genere excreti mutati, prout prodit à cerebro præter naturam. Nam de ratione Catarrhi est, ut generetur in cerebro, sicuti videbimus. Porro egredi, seu prodire à cerebro debet Catarrhus. Alias. n. non esset Catarrhus. Cum autem egrediatur, necessario delabitur in partes infra caput, & proinde in totum. Lædit uero totum, quoniam est morbificum, & quid præter naturam, hinc febres, intemperantias, malas compositiones, solutasq. unitates parit. Cum enim in corpore, & eius partibus quiescat Catarrhus, statim, ac è cerebro egressus fuerit, & ibi quiescat præter naturam, necessario lædit, & ipsum, & partes illius. Causam efficientem immediatam, & proximam illa verba commonstrant, *genitum ob cerebri concoctionem frustratam.* Verum ut exactè tota hæc definitio, & consequenter essentia Catarrhi intelligatur, circa formalem causam, id est, excrementum, & circa efficientem, id est, frustratâ cerebri concoctionem, fusiùs digrediendû nobis est, quàm factû est.

Quoad excrementum igitur, ipsum cõsiderare dupliciter oportet, prout agit in corpus, & prout ipsum lædit. Prioris ratione de speciebus eius agendum est. Ideo enim agit, quia specie est determinatum. Posterioris causa de eiusdem vicio dicendum est. Ea siquidem ratione lædit, quâ præter naturam est, & vitiosum. Circâ primum. Excrementum hoc est substantia mucosa, uel syncera, & dicitur mucus pituitosus; uel permixta cum sanguine, bile, melancholia, & mucus vocatur modo sanguineus, modo biliosus, modo melancholicus. Circâ secundum, *Gallib. de diff. sympt. cap. ult.*

proponit

Definitio Catarrhi, & eius explicatio.

Causa Catarrhi formalis.

Causa materialis.

Catarrhus, & Symptoma est & causa morbifica.

Causa efficiens.

De causa Catarrhi formali, id est, de excremento catarrho digressio.

Excrementi species.

Excrementi vicia.

proponit omnia vitia huius excrementi. Peccat siquidem substantia, quantitate, qualitate, quiete, & motu. *Substantia* peccat, quatenus potest esse putridum, veneficum, Venereum. Observantur enim non raro vagantes Catarrhi venenati ac pestilentes, non secus ac Venerei. Peccat *quantitate*, quatenus emittitur ex cerebro maiori copia, quam decet. Peccat *qualitatem* tum primam, tum secundam. Penes primam peccat, prout sentitur ab ægris calidum vel frigidum. Penes secundam in vitio est, ratione vel modi substantiæ, prout est crassum aut tenue; vel obiectorum sensuum, coloris puta, dum est rubrum, flauum, viride, nigrum; odoris, dum foetet; saporis, dum dulce, amarum, acre, salsum, acidum gustu deprehenditur. Peccat secundum *quietem*, quatenus detinetur, seu quiescit extra cerebrum. Ibi. n. semper præter naturam est, nisi egrediatur per nares, præcipue vero per os suo tempore. Dico extra cerebrum esse præter naturam. Nam si aliquis quærat, siue in cerebro secundum naturam, ei respondeo esse, dum modo ne copiosius generetur, aut per vias convenientes non excretum detineatur. Nam ut sic, etiam in cerebro euadit morbificum, & varia mala capitis parit, ut Apoplexiam, capitis dolorē, & huiusmodi. Peccat tandem *motu*, quatenus præter naturam excernitur. Porro ratione huius motus perpendere oportet, terminum à quo fluit Catarrhus, spaciū per quod fluit, & terminū ad quem fluit. Terminus à quo est cerebrum 6. de San. tuend. 9. & 3. aph. 13. & 3. de caus. Sympt. 4. Est autem cerebrum nulla alia ratione terminus à quo, nisi per motū transmissionis, quæ scilicet a se propellit excrementa 3. de Sympt. caus. 4. Propellit verò, quia expultrix uel euadit robustior, ut ei retentrix cedere cogatur; vel impellitur ab excremento. Euadit expultrix robustior, dum subito, vi externi aëris, cerebrum densatur, aut capiti repleto aliud quodcunque occurrit vehementer frigidum, à quo materia veluti à manu infra exprimitur 3. aph. 12. id quod eo accidit magis, si frigiditati iungatur siccitas. Sic enim magis violenta fit expressio. Vnde oxyrhodinorum, & aliorum id genus medicamentorū occursu, non raro Catarrhi concitantur. Impellitur eadem expultrix ab excremento peccate, vel copia, sic enim suo onere afficit expultricem; vel qualitate, sic enim tenuitate, acrimonia, malignitate, &c. eandem stimulat. Atque huc referenda est colliquatio facta à causa calefaciente, ut aëre calefacto à sole, igne. Nam media colliquatione attenuatur excrementum & fluxile redditur. Breuiter huc pertinent, non tantum quæ robur & impulsione expultricis per se promouent, sed quæcunque adiuuant eandem, vti sunt causæ omnes liquantes & exprimentes, balneum laxans, perturbas q., capitis lotio (hinc mulieres frequenter fiunt catarrhosæ) exercitatio nimia, animi pathemata, tegumenta capitis calida, & graua. Quarum causarum occasione noto, fieri posse ut Catarrhus sit calidus, cerebrum frigidum, & contrā; tamen si sæpe sint similia. Id quod animaduertere plurimum ad curationem facit. Spacium per quod fluit Catarrhus ex Hippocr. lib. de glandulis, est uel secundum naturam, & hoc pertinet ad palatum, nares, &c. vel præter naturam, & pertinet vel ad spacia inania inter membrum, & membrum, ut cum materia per partes externas delabatur à cerebro: vel ad organa tum animalia, ut quando materia destillat per spinalem medullam, & nervos; tum vitalia, ut quando descendit per Tracheam: tum naturalia, ut quando defertur eadem per Oesophagum, venas, arterias. Terminus ad quem Catarrhus præcipitatur

De Catarrho Tractatus.

pitatur, est tū totum corpus, tū quolibet eius pars. Pro huius verò termini ratione, materia defluxus varia mala, & multiplices morbos excitat. Vbi enim ad totum ea deferatur, si descendat per venas, febres causat. catarrhales, putrescentē in ijs eo, quod influxit: & totius maciem; (sanguini enim commixta, causa est, quò minus benè corpus nutriatur) si per spacina, & partes externas, Cachexiam. Quod si in partes certas decubat, hæ necessariò sunt extrà cerebrum, & pertinent ad organa, tū animalia, tū Vitalia, tū Naturalia. Per animalia organa intelligimus, tū eas omnes partes, quæ caput circumstant, tū præcipuè organa sensus, & motus propriè dicta. Quoad partes caput circumstantes, ad oculos fluens, Epiphoram catarrhalem producit; ad nares, coryzam Græcè, grauedinem Latinis, 3. de Symp. caus. c. 4. 2. Progn. cap. 49: ad fauces, quandoq. anginam, ex Hippocr. & Gal. 3. aph. 16. maximè si pluviosis temporibus stillet; sæpissimè ex 6. de Tuend. sanit. cap. 9. bronchion, seu raucedinem. nam primum fit vox rauca, deinde parua, tandem nulla: ad os, & palatum, Catarrhum nomine generis dictum: ad gargarconem, vuam seu staphylen: ad dentes, eorum perforationes, dolorem: ad glandulas oris, antiades, & paristhmia, prout recipitur, vel in glandulis, quæ in oris termino vtrinque sunt, vel in eis proximè adiacentibus. Si verò fluat ad organa sensum, sunt cæcitates, surditas, tinnitus, fluctuatio, odoratus priuatio; Si ad organa motus, in neruorū originibus, apoplexias, paralyfes, stupores, tremores, conuulsiones; in articulis, dolores catarrhales excitat (dico dolores catarrhales, quia etiam in alijs fluxionibus concitantur.) Quoad vitalia organa, illapsa in pulmones, præter Catarrhum nomine generis dictum, 1. aph. 12. tussim, asthma, & phthisim: in pleuram, tumorem catarrhalem: in thoracis cauitatem, empyema efficit, 7. aph. 38. Quoad naturalia, in ventriculo cruditates parit, & appetitiam lædit, 1. de Symp. caus. 7. ob humiditatem, & frigiditatem. nec enim omnis frigiditas appetentiam facit, sed illa tantum, cui iungitur siccitas, teste Gal. 2. aph. com. 20: in intestinis, dolores colicos, fluxus alui cerebrales, & catarrhales; in venis iecoris, lienis, obstructions, & inde febres, hydropes etiam, ob materiam refrigerantem, & alia mala plurima, & pessima. Quomodo autem vnaquæq. harum partium, acquirat rationē termini ad quem, faciliè est intelligere. Nam, cum fluxio fiat, vel transmissione, vel attractione, certum est, partem quamlibet, iam dictarum, euadere terminū ad quem, ratione transmissionis quidem, quatenus suscipit influentem materiam, ob imbecillitatem, vel in ipsa temperie, dum est aut frigida nimis, aut humida, aut frigida, & humida; vel in compositione, dum pars est referta vasīs apli oribus, aut constat ex substantiā rariore: ratione verò attractionis, quatenus vel calore, vel dolore affecta est, eoq. necessariò intensiori, quàm sit in termino a quo. Verum circa ea, quæ dicta sunt, aliquot occurrunt difficultates, vna spectans ad ea, quæ circa terminum a quo allata sunt; aliæ ad ea, quæ de spacio sunt definita. Quoad primum, Contra id, quod circa terminum a quo dictum est, Catarrhum concitari a frigore, per coarctationem exprimente, insurgit Mercatus, cap. de Catarrho, in sua Praxi, de morbis particularibus, probatq. suam sententiam ea ratione, quod impossibile sit, cerebrum, viuente animali, tantam sustinere posse frigiditatem, quanta ad hoc requiritur, vt partes, præ congelatione condensatæ, expressionem faciant. Propterea putat ipse, Catarrhum quidem concitari

3.
Ratione termini ad quem fluit.

Mala quæ parit Catarrhus.

In toto.

In partibus animalibus.

In vitalibus.

In naturalibus.

Difficultates tres ex dictis emergentes.

Verum Catarrhus, possit concitari a frigore exprimente.

B tū

tum à calore, tum à frigore externo, sed utroque liquefaciente: ac calorem quidem, id per se, & immediate præstare: frigus verò per aliud, & mediate, nimirum quâ partes extremas densando, calorem partium interiorum cogit, & auget, qui postmodum materiam catarrhalem fundit, & liquat. Sed hæc sententia manifestè contrariatur Hippocrati, in lib. de loc. in hom. in lib. de morbo sacro tex. 15. & Gal. 3. aph. 12. ubi Catarrhus concitari traditur, à frigido exprimente, non autem calorem cogente, & Gal. loco citato, utitur exemplo spongiæ, manibus expressæ. Sed & ratio eam refellit. Sæpè enim accidit, ut tam celeriter homines incidant in defluxum catarrhalem, ex frigiditate, ut nullo modo fieri queat, ut per frigus, tam citò calor partium interiorum augeatur, cum hoc non nisi tempore contingat. Præterea, frigiditas hæc est ambientis, & non cerebri, quæ occurrens capiti repleto, panniculos cerebri coarctat, qui angustiori spacio conclusi, exprimunt humorem excrementitium replentem. Nec uerò frigus illud ambientis, id agit congelando, sed coarctando, quod pulcherrimè exemplo pulsus, & respirationis explicare licet: quippe in quibus manifestè videmus, per coarctationem excrementa fuliginosa expelli. Ex quibus patet, rationem Mercati supponere falsum, nimirum fieri congelationem. Quoad difficultates circa spacium, per quod defluit Catarrhus, Fernelius lib. 6. Pathologia c. 18. nullo modo vult per venas, saltem in arthritide, permeare materiam à capite defluentem. Argumentum eius est: Quia pituita è cerebro defluens, causa arthritidis, è venis nequaquam excidere pura posset, cum in venis omnes humores sint commixti. Excidit autem pura, quia si simul cum sanguine excideret, ille in articulo collectus, necessariò faceret inflammationem, quod est contra experientiam. Augetur difficultas, per id, quod etiam ad nervos, & spinalem medullam, referri potest. Quia nimirum, si materia catarrhalis per has partes deferretur, necessarium esset, sanguinem, alimentum totius corporis, & spiritus animales, inspurgari. Verum hæc pauci sunt, meo iudicio, momenti. Nam quantum ad id attinet, quod non apparet, quomodo succus syncerus possit expelli, dico in primis, hoc fieri, vi facultatis expultricis, cui proprium est, ut id tantum expellat, quod noxium est. Dico præterea, noxium hoc non esse ita purum, ut excludat omnem mixtionem, sed purum à prædominio, quoniam uel nihil, uel parum quid, ei admiscetur. Nec verò fit inflammatio, etsi sanguinis aliquid simul excidat, in arthritide, quia materia hæc, intra cavitates recipitur, non autem in substantia membrorum, in qua, si inflammationem parere debet, recipiatur necesse est. Sed nec necessariò humores alimentales conspurcantur. Quia hoc tum fit tantum, cum excrementicij humores moram trahunt in venis, non autem cum per eas solummodo deferuntur, quemadmodum in præsentis casu non raro accidit. Accedit, quod tametsi aliqua conspurcatio sanguinis accidat, id tamen parum nutriendis partibus incommodet, cum unaquæq. pars trahat, quod sibi conueniens est, & noxium rejiciat. Sed & illud, quod de spacijs inanibus, & intercutaneis dictum est, aliquam difficultatem parit. Nam cum cerebrum, terminus à quo defluens catarrhi constitutum sit, non videtur, quomodo inde, ad ea spacia, materia catarrhalis possit confluere, cum non appareat via, per quam confluxus iste fiat. Huic verò difficultati ita respondeo, facile communicari materiam catarrhalem illis spacijs, per venas, à cerebro extra caluariam excidentes. Patet enim

II
Vtrum possit Catarrhus fluere per venas?

III.
Quomodo per spacia intercutanea possit fluere Catarrhus?

De Catarrho Tractatus.

3

enim ex Anatomica inspectione, venas iugulares internas, ascendere ad cerebrum, atque membranas, deinde ex membrana crassa, easdem venas, per futuras, & fortè etià per foramina calvariae, usque ad pericranium prodire. Id quod probatur auctoritatibus, primùm Galeni, deinde Vesalii. Ac ex Galeni quidem tribus id locis constat. Primùm ex 9. de *Vs. part. c. 6.* vbi ait, venas non tantùm ad duplicationem cranij, ex dura meninge, sed etiam ad pericranium, peruenire, easq. venas, alias magnas, alias parvas esse. Deinde ex 9. de *Vsu part. c. 1. in fine*, vbi habet, vasa tenuia per futuras cranei exire, crassioribus autem vasis, naturam sua fecisse foramina. Postremò, lib. de *dissect. venar. c. 7. ad finem*, vbi pariter ex externis iugularibus, in caluam qualdam venas exire, asseritur. Iam verò Vesalius lib. 3. cap. 7. *ad finem*, expressè ait, per foramina ossium verticis, & per futuras exire venulas in caluariam, & vicissim ex caluaria in cerebrum ingredi. Sed hæc de formali Catarrhi causa satis sunt.

Quantum spectat ad causam efficientem Catarrhi, ea, ut dictum fuit, est frustratio coctricis cerebri. Nam ob frustratam cerebri coctionem, generantur in eo excrementa, ut dictum est. Verùm quam ob causam frustratur hæc facultas, explicandum venit. Certum autem est, eam non frustrari ratione sui, sed ratione instrumentorum, & obiecti. Id quod responder ei, quod dictum est à Galeno, 3. de *Symp. caus. c. 4.* vbi ait, omnia Symptomata prodire, ex intemperie partium similariū, morbis instrumentorum, & materia peccante, tūm copia, tūm qualitate. Quò etiam spectat, quod 3. de *Symp. caus. c. 1.* habetur, & actionem lædi, læsa facultate, & ob errorem externum. Nam læsione facultatis, designantur morbi partium, cum facultates per se sint impassibiles: error externus insinuat per materiam quantitate, & qualitate peccantem. Hæc verò omnia idem sunt ei, quod dixi, frustrari facultatem cerebri concoctricem, vitio instrumenti, & obiecti. Ac vitio quidem instrumenti vitiat, quò cerebrum morbo aliquo afficitur: vitio verò obiecti, quò facultati coctrici offertur obiectum coctile vitiosum. Id quod appositissimè declarari potest, exemplo Diarrheæ, ex 3. de *Symp. caus. c. 4.* Nam sicuti Diarrhea est passio, quæ fit ex coctione læsa in ventriculo; ita Catarrhus fit læsa coctione in cerebro; & sicuti coctio ventriculi læditur, læso organo facultatis coctricis, ac vitio obiecti; ita & Catarrhus fit læso cerebro, & vitio obiecti, illi oblato. Porro respiciens ad vitium instrumenti, Gal. loco citato, proponit, tūm intemperantias, tūm malas compositiones: respiciens verò ad vitium obiecti, proponit materiam quantitate, & qualitate peccantem: atque merito quidem intemperiei, dicit facultatem labefactari: merito malæ compositionis impediri, (quod tamen intellige per accidens, quatenus facultates, in hoc statu, opus habet organisi.) Verùm nos singulas has causas accuratius, perpendamus, exorssi à morbis instrumentorum, sub quibus non ipsos tantùm morbos instrumentorum, tanquam causas principales, sed etiam causas, hos morbos fouentes, & adiuvantes, recensebimus. Ad principales igitur quod attinet, Intemperies, quæ ad generationem Catarrhi facit, & frigida esse potest, & calida, frequentius tamen frigida est: quoniam temperies cerebri naturalis, est frigida, & humida, ob quam propensionem habet, ad generationem Catarrhi, 6. aph. 2. & 3. aph. 12. Hinc Catarrhus, factus ab hac intemperie, est Catarrhus exquiritus, & ideo Gal. respiciens ad Catarrhum, qui frequen-

enim ex Anatomica inspectione, venas iugulares internas, ascendere ad cerebrum, atque membranas, deinde ex membrana crassa, easdem venas, per futuras, & fortè etià per foramina calvariae, usque ad pericranium prodire. Id quod probatur auctoritatibus, primùm Galeni, deinde Vesalii.

Quantum spectat ad causam efficientem Catarrhi, ea, ut dictum fuit, est frustratio coctricis cerebri. Nam ob frustratam cerebri coctionem, generantur in eo excrementa, ut dictum est. Verùm quam ob causam frustratur hæc facultas, explicandum venit.

Quas ob causas, & quomodo frustratur coctrix cerebri facultas.

Id quod appositissimè declarari potest, exemplo Diarrheæ, ex 3. de Symp. caus. c. 4.

Morbi instrumentorum qui Catarrhum generant, & morbi Intemperies que ad generationem Catarrhi faciat.

frequentius fit, & exquisitus est, ipsum in serie frigidorum vitiorum reponit;
 2. de Temper. ult. 1. de Sanita. Tuend. 3. & 3. aph. ultim. Non negat tamen
 Galenus, Catarrhum fieri etiam ab intemperie calida; imò id clarè affir-
 mat, 3. aph. 12. & eodem respiciens, Cide Tuend. Sanit. c. 9. redarguit illos,
 qui in omni Catarrho, calida capiti admouent, credentes Catarrhum sem-
 per fieri, ab intemperie frigida. Porro quæ ratione intemperatura hæc
 utraque, concurrat ad generandum Catarrhum, videndum est. Quod igitur
 ad intemperiem frigidam attinet, prius speciem illius, deinde vim eius-
 dem oportet perpendere. Quoad speciem, potest esse iuncta, intemperies
 frigida, non tantum cum humiditate, ex Gal. 2. de Temper. ult. sed etiam cum
 siccitate, ex eodem Galibid. & 3. aph. ult. quicquid contradicat Paparella,
 lib. 1. de Catarrho, c. 20. Cui rei etiam ratio ad stipulatur; Quia in omni defe-
 ctu caloris innati, crudus succus generari potest. At hic non minus est cum
 frigidityte, & humiditate, quam cum frigidityte, & siccitate. Quoad vim
 intemperiei huius ad generandum Catarrhum, frigiditas bifariam concurrir.
 Primum, quæ est causa, ut labefactato cerebri calore nativo, non benè con-
 stituitur alimentum, vincaturque. Hinc enim excrementum pituitosum, & id
 ipsum satis copiosum, gignitur, quemadmodum accidere videmus, cui libet
 parti refrigeratæ. Secundo, quæ vapores excrementitios, a toto corpore,
 in cerebrum elatos, nec resoluit, nec per futuras egredi permittit. Hinc
 enim necessario densat illos, grauesque efficit, ut mixti cum excremento
 crasso cerebri, descendant, quasi per modum pluiæ, qui modus ab Aristot.
 indicatus fuit, lib. de Somno, & Vigil. ad fin. 2. de partibus anim. c. 7. cui etiam
 ad stipulatur Avicenna, qui adfert exemplum alembici plumbei, sua frigi-
 ditate, vapores rei destillandæ sursum elatos, densantis, & proinde in aqua
 vertentis. Neque huic sententiæ obstat, quod superius, contra Mercat-
 um, constitutum est, frigiditatem, quæ capiti occurrit, non congelare, nunc
 autem dicitur densare. Quia supra de frigore fuit sermo, tanquam de cau-
 sa mouente: nunc vero, tanquam de causa generante. Quod si quis di-
 cat, idem illud posse adduci contra densationem, quod contra congelationem;
 scilicet non esse possibile, in corpore viuente, tantam reperiri frigi-
 ditate, quæ possit partes densare; huic respondeo, eum falsum assumere,
 quia frigiditas densans, multo est congelante, quæ solum in rebus externis
 obseruatur, remissior. Ceterum, intemperies hæc frigida cerebri, gene-
 rans excrementum catarrhale, quocunque modo agat, habet latitudinem
 quandam, quippe quæ ex Gal. 3. aph. 12. & remissa, & intensa esse potest;
 ex quibus, illa quidem, excrementum pituitosum, vel dulce, vel insipidum
 gignit; hæc vero, acidum. Iam intemperies calida, quemadmodum &
 frigida, quoad speciem modo rest simplex, modo coniuncta cum siccita-
 te, vel humiditate. Quoad vim, intemperies calida simpliciter, bifariam con-
 currit ad generationem excrementi catarrhalis, nimirum attrahendo, &
 fundendo. Attrahendo concurrir, quatenus materiam copiosorem in ce-
 rebrum allicit, quam possit coquere, & absorbere. Hinc enim iure merito
 destillationis causa statui potest. Fundendo id præstat, ut excrementum
 catarrhale reddatur, & calidius, & tenuius, præsertim verò, cum præstò sunt
 causæ coadiuantes, quæ partim sunt naturales, ut habitus corporis rarior,
 siue naturalis is fuerit, siue acquisitus vsu balnei, exercitij, & aliorum: par-
 tim non naturales, ut mora sub Sole, olfactus aromaticum, eorum præsertim,
 quæ

Intemperies
frigida qualis
Catarrhum ge-
nerat.

Eadem quomo-
do generat, &
quomodo ab
intemperie calida
generatur.

Quomodo ab
intemperie calida
generatur, &
quomodo ab
intemperie frigida
generatur.

Objectionis dis-
solutio.

Intemperies
calida qualis
Catarrhum ge-
nerat, idem
quomodo ab
intemperie calida
generatur, &
quomodo ab
intemperie frigida
generatur.

quæ caput reddunt calidius. Intemperies calida, & sicca cõcurrit quatenus producit excrementum catarrhale salsum. Nam ab hac intemperie excitatur vapor exultus, media vel putrefactione, uel vitione, qui vapor cõm xius humida aqueo, & excrementitio, facit saporem salsum. Occurrunt in hic duæ dubitationes. Prima est, Quia *Gal. in arte Medica*, loquens de signis cerebri calidi, & sicci, dicit ipsum carere superfluitatibus. Ergo nõ potest esse causa excrementi catarrhalis. Secunda est, Quia esto, possit intemperies talis cerebrum reddere excrementosum, qui fiat, quod Catarrhus salus fiat a caliditate, cum *Aristot. 2. Meteor. c. 3.* dicat, omne salsum esse inconcoctum, inconcoctum autem, ut tale, est ob frigiditatem. Ad harum difficultatum Primam, Dico cerebrum calidum, & siccum, intra latitudinem sanitatis, non esse excrementosum: at calidum, & siccum extra latitudinem, & sub ratione morbi, tale euadere, quia attrahit, & liquat: Galenum autem loco citato, loqui de cerebro calido, & sicco, intra latitudinem sanitatis. Ad secundam, respondet idem Aristoteles ibidem, dum ait, inconcoctum se id vocare, in quo non dominatur calidum: calidum autem duobus modis non dominari, siue quia deficit, ut in generatione superfluum, siue quia nimis intenditur, ut in his, quæ aduruntur. Ex his enim facile liquet, inconcoctum non sumi tantum pro crudo, sed etiam pro eo, quod torretur, aduriturq., ut in nostro casu. quod enim coctum est, a calido temperato id perpeßum est. Hinc mirum non est, si carnes, & omnia, vterius quam deceat, cocta, torrefactionem quandam patiantur, & falsedine quandam acquirant, quo modo scriptum est a *Gal. 3. de facult. alim. c. 32*: pisces, carnes, & aqua, quanto plus coquuntur, eo falsiora euadere. Intemperies calida, & humida, quæ non infimum tenet locum, inter causas generantes Catarrhum, ratione caliditatis quidem, agit eo modo, quo supra dictum est; humiditatis uero merito, partem replet, laxiorem, ac proinde imbecillio rem reddit, ut superflua coquere, siccare, & dissoluere minimè possit. Sed hoc in loco quæret aliquis, an intemperies humida simplex tantum, atque sicca tantum, possint constitui causæ generationis Catarrhi? Huic ita quærenti respondeo ego, non posse, ut causas principales, posse tamen, ut causas disponentes. Nam humiditas laxando coctrici facultati est impedimento, replendo excrementum pituitosum auget: siccitas uero, præcipue intensa, subtrahit humidum substantificum ipsi calori, ac proinde calorem imminuit, unde cruditas, & cõpia excrementi pituitosi, id quod lenibus, vel maximè accidere solet. Intemperiem subsequitur mala cerebri compositio. Ad hanc igitur spectat cerebri angustia. Nam, cum caput, ratione situs, sit veluti tectum super domo calida, *9. de usu part. c. 1.* facile recipit excrementa, quæ, ubi angustiam patiunt, in canalibus naturali expurgationi destinatis, & in immensum augentur, tandem, quæ data via, quasi flumina, erumpunt. Accedit, quod ob obstructionem excrementum putrescens, ac rem non raro destillationem commouet, id quod etiam facit inflammatio. Ad eandem malam compositionem refero, substantiam cerebri laxiorem, ac amplitudinem vasorum eiusdem. merito enim horum, satis constat, maximè ad Catarrhum illud disponi. Quin etiam Anastomosis locum habere potest, cum non raro, apertis venis, sanguis è capite destillet, & Catarrhos sanguineos efficiat. Præter hos uero morbos, etiam soluta unitas solet esse Catarrhi causa. Est autem hæc præter dicere sin, & eius

Quomodo calida, & sicca.

Difficultates circa dicta duo.

Solutio prima.

Solutio secunda.

Quomodo falso a caliditate, & humida, quomodo Catarrhum generat.

Intemperies calida, & humida, quomodo Catarrhum generat.

Mala compositio cerebri, quæ, quomodo Catarrhum generat.

1.

2.

3.

4.

C

cuius

Causæ adiun-
tes morbos in-
strumentarios
pro generatio-
ne Catarrhi.

Intemperiem
adiuvantes.

Malam compo-
sitionem adiu-
vantes.

Error exter-
nus qui, qua-
lis, & quomo-
do Catarrhum
generet.

Qui à quibus
causis magis
Catarrho cen-
sentur.

eius species, quæ eodem modo, quo anastomosis, potest concurrere; præci-
puè vel vlcus, vel abscessus. Etenim siue laboret vlcere cerebrum, siue ab-
scessu, & præcipuè ossis carie, ut in luc Venerea affectis; necessarium est
acrem progigni destillationem. Sed hæc de morbis instrumentorum,
tanquam causis principalibus; causæ, quæ tanquam coadiuvantes, fouent
hos morbos, recensendæ sunt. Quæ igitur intemperiem fouent, res sunt
partim naturales, partim non naturales. Ex naturalibus, est temperies na-
turalis, similis in temperiebus iam dictis. Item ætas. hinc senes ob frigidita-
tem, pueri ob errores in victu, Catarrhis magis sunt obnoxij. Ex non na-
turalibus verò, et si res omnes non naturales huc spectare possunt, potissi-
mum tamen locum habet aer calidus, & humidus, frigidus, & humidus, fri-
dus tantum, humidus tantum. Hinc hyems, ex Hippocr. 3. aphor. & lib. de
aëre, aquis, &c. maximè destillationum ferax est: item regio Septentriona-
lis: item Ver. ob seigus subito superveniens, denique Ventus aquilonaris,
frigore exprimens, 5. aph. 24. & australis, calore fundens. Sed & illud à qui-
busdam peculiariter notatur, maximam vim habere, in destillationibus
producendis, vsum aquæ, & lactuæ: pulvere quoque hausto, vel inspirato,
sæpius, & Catarrhum, & raucedinem, eamq. lethalem, fuisse inductam, no-
tauit Iubertus tract. de affectibus thoracis cap. 4. Quæ fouent malam com-
positionem, sunt, quæcunque faciunt ad capitis repletionem, quæ & ipsa pa-
riter sunt, res tum naturales, tum non naturales. Ad naturales pertinent,
habitus calidus, & humidus, utpote qui, ex Galëno, & Auicenna, maxime
est vaporosus. Figura item erecta. nam sub hac facile caput repletur; quæ
fuit causa, ut Arist. 10. Probl. 53: dixerit, inter animalia homines primum,
deinde aues Catarrho maxime corripit: Hippocrates quoque 4. de morbis,
caput vocauerit magnam cucurbitulam, superpositam corpori, à quo trahit.
Non naturales, sunt aer humidus, pluuiosus, vñ cum constitutione austro-
ali, 3. aph. 12: quæ absque pluuiâ etiam replet, 3. aph. 5: somnus multus, præfer-
tim à cibo initus: mora sub radijs Lunæ: ocium, & crapula nimia: quo-
modo de Persis scribit Xenophon, apud illos scilicet maxime vituperari soli-
tos, qui plurimum expuerent, ac nares emungerent, quoniam signum id ef-
fet, eos nec exerceri, & crapulæ esse deditos: vltus nimius thermiarum, præ-
cipuè calidarum: cibi euaporantes, vñ aromata, legumina, lac, lacticia, pi-
sces ostreacei, & tandem omnes cibi copiosi, præcipuè calidi, & flatulentij
vinum copiosum, & generosum. Sed superest, ut de errore externo
agatur. Hic igitur potest esse vapor, & minera, extra caput genita. Vapor
quidem, siue copia, siue qualitate vitiosus, eleuatur modò à toto, ut in feb-
ribus æstuosis, modò ab aliqua parte. Minera peccat vel copia, vel qua-
litate. Peccat copia, veluti quando à ventriculo, vel iecore, capiti impetit
tur alimentum impurum, & copiosum. Hoc enim, cum non regatur, &
vincatur à cerebro, euadit materia Catarrhi. Peccat qualitate, prout est
vel calida, biliosa puta, aut salsa, genita à iecore calidiori, per se vel ex ac-
cidenti, ex alimentis calidioribus, à toto febre correpto: vel frigida, pitui-
ta scilicet, & Melancholia: è quibus pituita maxime affligit, præcipuè quæ
à ventriculo frigido, & alimentis similibus fit, melancholia rarius concu-
rit, vt quæ, & pauca est, & non facile mouetur, ob crassitiem. Et hæc sunt
causæ omnes Catarrhum generantes, quæ tametsi & externæ sint, & inter-
næ, ut ex dictis patet, tamen idde illis sciendum est, calidiùs quidè caput,
ab exter-

ab externis magis; frigidius ob internas destillationibus tentari. Sed & à causis internis, facillimè Catarrhum incurrunt, quibus caput paruum, alia membra, maximè inferiora, magna vel mediocria. Vapores enim elati sursum, in cerebro paruo retinentur, incrassantur, & in naturam aqueam convertuntur: ab externis, quibus frigidum quidem cerebrum, partes tamen inferiores calidæ, & habitus corporis calidus, ac rarus, maximè circa caput. Per caliditatem siquidem, in ijs facile liquefcunt humores, per frigiditatem verò exprimuntur. Effet iam ad differentias progrediendum, nisi Fernel. negocium facisset, qui negat, in solo cerebro Catarrhum generari. Estimac enim extrà caluariam etiam, sub cuti, Catarrhum, vel materiam Catarrhi contineri, & proinde excrementū catarrhale ibi gigni, quod defluēs per partes cutaneas, dolores pariat articulares. Generari verò, ait, ex illo excremento, quod per venas iugulares externas, ad caluariam terminantes, ibi deponitur. Hoc verò traditur ab eo *lib. 5. Patholog. c. 4.* Sed non est longius, in hac sententia examinanda, immorandum. Manifestè enim aduerlatur Galenò, qui *3. aphor. 12.* cerebrum semper constituit terminum à quo, omnium destillationum, ut propterea cerebrum sit locus generationis excrementi catarrhalis. Quod idem traditur *3. de Symp. caus. c. 4.* & quidem clarissimè; ibiq. assimilatur Catarrhus Diarrhææ. Quod verò dicit Ferneliùs, è venis iugularibus externis, ibi deponi excrementum, nihil ad rem facit. Nam, cum ex ijsdem venis, iuxta *Vesal. lib. 3. cap. 7. supra citato,* aliqua per caluariam in ipsum cerebrum ingrediantur, nihil obstat, quò minus illud excrementum, in ipsum, deferatur cerebrum, & sic materiam Catarrho suppeditet.

Questio. V. ubi in solo cerebro Catarrhus generetur.

DIFFERENTIAE CATARRHI.



Redolendum est ad Catarrhi differentias. Hæ igitur sumuntur à duobus fontibus, ab ipsa forma scilicet Catarrhi, excremento: nimirum seu exeunte mutato, & à subiecto patiente.

Differentia ab exeunte mutato, varix sunt, prout ipsum varium est. Variatur autem penes differentias, tum extrinsecas, tum intrinsecas. Ad differentias extrinsecas pertinent tempus, & ea, quæ cum Catarrho coniuncta sunt, & coniugata. A tempore, Catarrhus alius est antiquus, alius recens; alius continuus, alius interpolatus, & hic rursus varius, alius per certa anni tempora affligens, hyeme puta, vere; alius per menses, alius per dies; alius per horas; alius deniq; noctu; alius interdiu. A coniugatis, seu coniunctis, Catarrhus vel est cum febre, uel sine febre: in corpore vel boni habitus, & validi, vel extenuato, & debili: in senē, uel iuvene; viro, uel muliere, &c. Ad intrinsecas differentias, referuntur species excrementi, origo eius, & Vitium. Ratione speciei, Catarrhus vel est syncerus, ex pituita sola dulci, acida, vitrea; vel mixtus, cum alium, uel alios humores habet adiunctos, bilem, melancholiam, sanguinem. Ratione originis, Catarrhus generatur, vel à morbo cerebri in intemperie, mala compositione, soluta, ut supra declaratum est: vel à causa morbifica, genita extrà caput, peccante tum copia, tum qualitate, quarum utraque varia est, & multiplex, ratione speciei, & causæ generantis varix, & multiplicis. Vitium exeuntis consideratur penes substantiam, copiam, qualitatem, quietem,

Differentia Catarrhi à causa formalis, id est, excremento.

Extrinsecæ.

A tempore.

A coniunctis.

Intrinsecæ.

A specie excrementi.

Ab eius origine.

Ab eiusdem vitio.

tem, motum. Penes substantiam, Catarrhus alius est putridus, venenatus alius, alius Venericus. Penes copiam, alius est copiosus valdè, qui si confertim ad fauces defluat, aut pulmonis bronchia, præfocatus dicitur; alius mediocris, alius paucus. Penes qualitatem, respectu modi substantiæ, Catarrhus alius est tenuis, alius crassus; respectu qualitatæ puræ, quoad qualitates primas, Catarrhus est vel calidus, vel frigidus; quoad secundas, varius pro varietate coloris, odoris, saporis. Penes quietem, Catarrhus alius quiescit in toto, alius in parte. In motu considerare oportet terminos, & spacium. Ratione igitur terminorum, Catarrhus duplex est, alius concitatus à facultate expultrice, robustiori reddita, ex causa refrigerante, capiti subito occurrente; alius concitatus à facultate eadem, irritata ab obiecto molesto. Ratione spacij, Catarrhus vel descendit per spacia inania, & partes externas; vel per organa, aut animalia, aut vitalia, aut naturalia; animalia ut partes capitis, os, nares, & organa sensus, ac motus, ut spinalem medullam, & nervos; vitalia, ut asperam arteriam; naturalia, ut Oesophagum, venas, arterias. Ratione terminorum ad quem, Catarrhus alius descendit, & mouetur ad totum, alius ad partes; & tunc, quoniam in motu hoc, materia vel transmittitur, vel attrahitur, ratione transmissionis, Catarrhus fit, quatenus pars, quæ est terminus ad quem, est imbecillis, quia est vel frigida; & humida; vel laxa; ratione attractionis concitatur; quatenus pars, quæ habet rationem terminorum ad quem, uel dolet, uel calet. *Differentia à subiecto patiente*, in duplici sunt discrimine, prout ipsum scilicet subiectum patiens, aliud est, quod generat excrementum, & mandat, ut cerebrum; aliud quod recipit idem, & ab eo læditur. Ratione subiecti, priori modo considerati, Catarrhi differunt, quod alius fit cerebro primum laborante, morbis supra dictis; alius per consensum aliarum partium, & vel totius corporis, cum in eo sanguis vniuersus vitiosus continetur; uel partis determinatæ, & potissimum ventriculi, iecoris, ac vteri in mulieribus. Ratione subiecti, considerati modo posteriori, Catarrhi distinguuntur, quod alius affligit totum, alius certas partes. Atque hæc de differentiis. Ad signa progredior.

PROPRIETATES CATARRI, SEV. SIGNA.

Item *NA* igitur, alia sunt Catarrhi in genere, alia differentia-
rum Catarrhi. Signa Catarrhi in genere, sunt manifesta de-
se. Nam ex relatione patientis habentur. Quare laboran-
dum in inveniendis tantum signis differentiarum. *Quod*
igitur attinet ad differentias peritas ab excremento, quæ ab ex-
trinsecis sumuntur, ut a tempore, & coniugatis, eæ sensui notæ sunt, nec sig-
nis egent. Quoad intrinsecas, differentia ab excrementi specie, Catarr-
hus scilicet sincerus vel mixtus, si excrementum exeat per nares, uel os, co-
gnoscitur sensu: si per alias partes, discurrere oportet per signa singulis hu-
moribus, propria. Nam si sincerus fuerit Catarrhus, signa solius pituitæ se-
ostendent. Temperamentum totius, aut saltem ventriculi, ac cerebri, fri-
gidum erit, & humidum; ætas senilis, aut puerilis; prægressa fuerit victus
ratio pituitam accrevans, ut ocium, crapulæ, cibi frigidi, & humidi; inuabunt,
quæ pituitam educunt, item calefacientia, & siccantia; actiones animales
torpebunt; in somnum æger propendebit; aderit capitis gravitas, & ad ra-
etum

*Differentia Ca
sarrhi à subie
cto patiente.*

Signa Catar.
rhi in genere.

*Signa differen-
ciarum Casar-
thi à forma.*

Sinceri, &
mixti.

Hum frigiditas; color oculorum, ac faciei subalbidus; excernentur pituitosa. In mixto, præterquam quod hæc signa non erunt intensa, prodent se etiam signa humoris mixti. Quare in commixtione bilis (præter temperamentum totius, & hepatis siccum, & calidum; ætatem iuventutis; victus rationem prægressam calidam, & siccam;) somni erunt interrupti; facies quod quomodo pallebit; calor potius, quam frigoris sensum caput ad tactum præferet; excrementa oris amariuscule, vesicæ, & alui, mordacia erunt, & cum sensu caloris.

Mista melancholia cognoscetur, ex temperamento totius, & hepatis, calidiori & sicciori, potissimum antè quadragesimum ætatis annum; ex liene affecto; suppressis hæmorrhoidibus; cibis ingurgitatis crassis, & terreis; emolumento item, quod adferunt, moderatè humectantia, & melancholiam euacuantia; ex mæore, & tristitia; faciei colore subfusco; excrementis ad nigrum tendentibus. Tandem si sanguis fuerit iunctus, is ipse quoque suis se signis manifestabit. Erit quippe, tum totum, tum iecur, calidius, & humidius; erit suppressa aliqua sanguinis euacuatio consuetæ, per nares, uel utrum; præcesserit cibus multi succi, & copiosus, & interdum ictus cerebri, vel plaga; proderunt, quæ sanguinem educunt, item quæ moderatè refrigerant, & siccant; somnus aderit multus & longus; facies rubebit; urinæ mingentur crassæ; in summa aderunt signa plenitudinis, de quibus *Gal. lib. proprio.*

Differentiæ ex origine, seu à causa effetrice, sic distinguuntur. Nam, si Catarrhus fiat ab obiecto morbifico, seu errore externo, malum non erit assiduum, quemadmodum est, si ad sit vitium cerebri, aderunt signa humorum copia, & qualitate peccantium, iam iam tradita. Si fiat vitio cerebri in intemperie, signa erunt, de quibus infra, in differentiis Catarrhi calidi, & frigidi. Si prodeat à vitio eiusdem in mala compositione, angustia cognoscitur, ex detentione excrementorum, & gravitate capitis: laxitas contra, ex perpetuo fluxu, & similibus. Differentiæ ex vitij eiusdem excrementi, sic innotescunt. Catarrhus putridus, ex odore, & sapore in iucundo cognoscitur: venenatus, ex signis veneni, & vehementia Symptomatum: venereus, ex signis Luis venereæ. Copiosus Catarrhus, quò magis est talis, eò cum maiori impetu descendit, est præfocatiuus, sibiq. alia Symptomata vehementia adiungit. Calidus Catarrhus colligitur ex sensu caliditatis, quæ in exeunte percipitur, cum Aui cenna; ex pruritu narium, & palati, cum Rhafis; ex sternutamento crebro; ex colore ipsius excrementi nigro, cum forti odore, & luciditate, rubro, citrino, viridi; ex sapore acri, acuto, amaro, falso; ex odore acuto, & foetido; ex oculis & facie rubentibus; ex frigidis iuuantibus. Sed & materia destillans erit densior, & vigiliæ infestabunt, & victus ratio præcessit calefaciens. Frigidus Catarrhus ex oppositis intelligitur, ex sensu frigiditatis; ex materia destillantis aquositate; ex eiusdem colore albo, sine fædine, nigro cum opacitate; ex saporis & odoris carentia, & contrariis cæteris.

Sed occasione Catarrhi calidi, & frigidi, vnum noto, summopere necessarium, nimirum aliquando materiam excerni per os putridam, & foetentem, & tamen Catarrhum esse frigidum. Hoc verò accidit duabus de causis. Primò, Quia materia in pulmonibus recepta à capite, ibi diutius moratur, & quiescit præter naturam. Hinc cum non regatur à natura, proinde putrescit, & saporem, ac odorem ingratum suscipit, ac medicos fallit, putantes, hæc materiam per tussim eiectam, esse calidam, cum tamen sit frigida. Cognoscitur

D

autem

Prodent
signa

Prodent
signa
ab errore
externo,
vel morbo.

Putridi, &
venenati,
Venerei.

Copiosus.

Calidi.

Frigidi.

Catarrhus ali-
quando frigi-
dus cum mate-
ria putrida, ac
foetida, & cur f-

autem hoc, si patientes interrogentur, an, dum expuunt materiam sine tussi illa eundem habeat saporem, & odorem, quem habet, eiecta cum tussi. Si enim habebit, erit calida, etiam in sui origine, nimirum in capite: si verò non habebit, destillatio in propria origine erit frigida. Secundò accidit id, Quia materia in capite frigido genita, & frigida, ob moram tamen in capite præter naturam, quia scilicet ibi detinetur, putrescit, & calida euadit, simpliciq. expuitione, foetens & malè olens excernitur. Cognoscitur autè hoc, quia si materia talis euadit ob moram in capite, non ob primam sui originem, imprimis non semper talis, id est, putrida, & foetida materia expuitur, sed quandoq. aliter habens: secundò, sputum erit inæquale, ita ut aliqua eius pars putrida sit, aliqua non: tertio, aderunt signa capitis frigidi, de quibus supra. Catarrhus crassus, & tenuis deprehenduntur visu, dum modo mora non crassefaciat. Præterea si subito fluat ad partes, & Symptomata accedant vehementia, ut præfocatio, est tenuis, si contrà, crassus. Rursus crassus, sui natura erit talis, secundum omnes sui partes: crassus verò ob moram in pulmonibus, in medio erit crassus, circum circa tenuis. Quoad vitium secundum motum, ratione termini à quo, Catarrhus concitatus ab expultrice robustiori, cognoscitur, si capiti repleto, causa refrigerans externa occurrerit, cum impetu. Quæ causa, si non adfuerit expultrix irritata, erit ab obiecto molesto, de cuius signis dictum est alibi sæpè. Circà differentias à spacio, si materia descendat per spacia inania, aderit sensus materię descendentis, & id sine dolore insigni, laborabunt carnes, & abe-runt affectus neruorum. Si materia fluat per os, & nares, patet res sensui. Illud tamen notandum, cum natura, per huiusmodi partes, soleat excremen-tum catarrhale euacuare, tum naturaliter, tum præter naturam, an hoc, vel illo modo fiat, intelligi ex signis coctionis, & cruditatis, de quibus *Gal. lib. de totius morbi tempor. c. 3.* vbi tempora quædam, hisce speciebus Catarrhi constituere videtur, dicens, si tenuis, aqueus, multusq., & acer humor destillet, adesse principium Catarrhi, & summam cruditatem: si verò paucior, & crassior, minusq. acris, tunc iam euidentes esse notas coctionis, & augmentum incipere: porro coctionem exactiorem esse, cum iam mucus excernitur, qui quod paucior erit, & crassior, eò etià exquisitiore coctionem indicabit. Si per neruos, & spinalem medullam feratur, adest dolor, torpor, paralytis, tremor, conuulsio, sensus materię descendentis per dorsum, tametsi ita puto, posse Symptomata priora neruorum, abesse, vbi materia non distendit neruos, sed per partem illorum posteriorem descendit. Materia descendente per Tracheam, obseruatur scretus, cherchnos, tussis, difficilis spiratio. Eadem fluente per oesophagum, adest inappetentia, nau-sea, vomitus, læsa coctio ventriculi, & si destillatio sit salsa, fitis; item eiusdem dolor, grauitas; præterea alia viscera naturalia malè habent, & varios morbos incurrunt. Per venas materia si delabatur, tumor sequitur inflam-matorius partium, cachexia, atrophia, febris Latica; lotium est spumofum, quia materia fluens per venas, vertitur in vaporem, qui mixtus cum mate-ria humida, per motum, & calorem, est causa spumæ; nullus adest dolor, nul-lus tristis sensus. In materia discendente per arterias, adest pulsus mol-lis, inæqualis, modò frequens, modò rarus, prout materia descendens, mo-dò calida, modò frigida est; adest & defectio animi, & cordis motus prauus; item febris. Distinguitur autem febris ex destillatione ab alijs, quia

Crassus, & te-nuis.

Concitat ab expultrice cerebri ro-busta, vel ir-radiata.

Descendens per spacia inania.

Per os, & nares natu-raliter, vel præter natu-ram.

Per neruos, & spinalem medullam.

Per Tra-cheam.

Per Oeso-phagum.

Per venas.

Per arte-rias.

quia adfunt signa capitis læsi. Quoad terminum ad quem, an is sit totum, vel pars, patet ex vitiorum, totius, & partium, signis. Vtrum verò terminus ad quem suscipiat, vel attrahat, cognoscitur; Quia si pars, antequàm à Catarrho lædatur, fuerit calida, vel doluerit, certum est, ipsam attrahere; si hæc absint, suspicio est suscipere, dummodo concurrant alia, nimirum temperies frigida, & humida, habitus rarus, vasorum amplitudo. In vitio secundum quietem, nihil est aliud cognoscendū, nisi an materia magis, vel minus adhæreat. Hoc verò cognoscitur ex cōsumacia, & peruicacia illius, quatenus magis, vel minus cedit remedijs. *Quod spectat ad differentias ex subiecto patiente*, si Catarrhus sit per essentiam, erit continuus, non interpolatus; aderunt signa affecti capitis. Si per consensum, apparebunt contraria; habebit sua interualla Catarrhus; erit suppressa aliqua euacuatio; aderunt signa, vel vniuersi corporis malè affecti, vel certarum, & determinatarum partium, puta ventriculi, iecoris, vteri. An verò totum affligat, an partem, id dignoscitur, prius quidem ex humorum vitio, vel in copia, vel in qualitate, de quo sæpè: posterius autem, ex signis affectarum partium proprijs.

Attrahit, vel transmissit.

Quiescens.

Signa differentiarum Catarrhi à subiecto.

Per essentiam, & per consensum.

INDICATIONES, SEV SCOPI CVRATIVI.



SCOPICURATIVI ab iisdem desumuntur, à quibus desumptæ sunt differentia, ab excremento scilicet, seu ab exeunte mutato; & à subiecto patiente. *Quod igitur ad excrementum ipsum, seu exiēs mutatū, attinet*, id ratione speciei; quatenus sincerū est, euacuans pituitam, id est, phlegmagogum, quatenus mixtum, remedium quoque euacuans mixtum indicat. Ratione originis, seu causæ efficientis, si ortum trahat à morbo in intemperie, indicatur alterans per contrarium; si ab angustia, quia hæc fit à materia angustante, remouens illam materiam; si à laxitate, densans; si à soluta vnitatem, vniens. Quod si ab errore externo procedat, id est à causa morbifica extrā caput genita, varia sunt indicata, pro varietate tūm speciei obiecti, tūm causæ generantis, de quibus in morbis totius, & partium singularum. Vitium in substantia, ratione putredinis insinuat eradicans: ratione qualitatis venenatæ, & Venereæ, alexipharmacum. Vitium in copia, remedium minuens desiderat: vitium in qualitate, alterans per contrarium: vitium in quiete, remedium discutiens, de quo in tractatu morborum partium, in quibus quiescit materia. Circa vitium in motu, considerare oportet tūm motum ipsum, tūm terminos motus. Motus ipse prauus, indicat remouens hunc motum: Terminus à quo fluit materia, id est, cerebrum, retrahens ad superiora, vel inferiora, prout materia, quæ fluit, mouetur uel superius, vt ad cutem capitis, vel inferius: Terminus ad quem, qui attrahit, ratione doloris, ac caloris anodynum, & refrigerans poscit; qui suscipit, ratione frigiditatis, humiditatis, laxitatis, calefaciens, siccans, densans: vterq;., retrahens ad partem vel sinistram, uel dextram, per modum siue interceptionis, siue deriuationis, siue reuulsionis. *Subiectum patientis, quod generat excrementum*, id est, cerebrum, quid indicet, patet ex dictis, Subiecti, quod læditur ab illo excremento, seu quod recipit illud, id est totius, vel partis, certæ, indicationes, traduntur in tractatibus peculiaribus, vitiorum totius, & partis. Has verò indica-

Indicationes curatiua à forma, id est, excremento.

Indicationes curatiua à substantia.

Indicationes curatiua à copia.

Indicationes curatiua à quiete.

Indicationes curatiua à motu.

Indicationes curatiua à subiecto.

indicationes insinuauit nobis *Gal. 5. Meth. 14. & Auicenna cap. de Catarrho*, qui fuit valde diligens. Ferè enim omnes proponit, quas diximus, præcipuè autem eas, quæ pertinent ad vitium exeuntis. Nam respiciens ad vitium in quantitate, & qualitate, ait, æquabilem reddendam esse materiam; respiciens ad motum vitiosum, addit prohibitionem cursus, & motus ipsius materiæ; & quidem causa vtriusque termini motus, proponit motum materiæ ad aliam partem, quem etiam proponit ratione termini à quo tantum: at ratione termini ad quem, proponit prohibitionem eius, quod potest fieri, ob vitium termini ad quem. Sed omnibus his indicationibus illud addendum est, scopos curatiuos, ad vitium instrumenti attinentes, non posse obtineri, nisi prius toti corpori prospectum fuerit. Nam ad tollendum vitium obiecti, indicatio de totius prouidentia, est eadem cum illa, quæ facit ad tollendum ipsum obiectum.

P R O G N O S T I C A .



P R O, vt ad Prognostica veniam, scopos propositos an assequi semper liceat, cognoscitur ex vi Catarrhi in genere, & ex illius differentijs. In genere igitur, Catarrhus est vehemens affectus, tum ratione suæ essentia, tum ratione dignitatis.

Ratione essentia, quia ferè omnium morborum est occasio, quod nobis insinuauit *Gal. 1. de Tuend. San. cap. 8. vbi affirmavit, vi Catarrhi totum languere*. imò ipse Hippocr. dum ait, *6. aph. 2.* Quibus nares natura humidiores, eos minus integra sanitate frui. Ratione verò dignitatis, quoniam locus, in quo generatur Catarrhus, & terminus, à quo fluit, est cerebrum, pars principalis, & maximi momenti. Quod ad differentias spectat, varia est prognosticandi ratio, prout ex varijs sunt, vtpotè quarum alia ab excremento, seu exeunte mutato; alia à subiecto patiente sunt desumptæ. Has igitur omnes percurrere oportet, initio facto à differentijs, desumptis ab ipso excremento. Differentia igitur ab ijs depromptæ, quæ excremento sunt extrinseca, quid denuncient, non est difficile intelligere.

Nam certum est, ratione temporis, difficilius curationis esse Catarrhum antiquum, quàm recentem; continuum, quàm interpolatum; & rursus, ex interpolatis, cum, qui breuius habet, quàm qui longius, interuallum, quod longiori, quàm breuiori tempore, magis medicamenta operentur. Certum est etiam, ratione coniugatorum, deteriore esse Catarrhum cum febre, quàm sine, cum difficilius duo hostes expugnentur, quàm vnus: item in corpore debili, quàm valido: tandem in senibus, quàm iuuenibus, ex *Hipp. 2. aph. 40.* dum ait, destillationes in senibus non concoqui. Vbi id obiter notandum, non sine causa Hippocr. dicere, destillationes in senibus non concoqui, non autem dicere, non solui. Quia cum ex *6. Epid. com. 5. sex. 23.* tres sint species solutionis, coctio, rarefactio, dissolutio; tamen in valde senibus, grauedines per coctionem solui nequeant, cum hæc fiat à solo calore nativo, qui in senibus est paucissimus, possunt tamen solui aliquando, per modos duos posteriores. Et horum modorum altero, puto *Leoniceum* subleuatum fuisse, qui ex *Brasauola in commento aph. 40. par. 2.* nonagenarius iam, sola victus seruata ratione, à pertinaci rauedine, & grauedine simul euasit, & ideo festinè, *Alberto Sanauiola* citanti hunc aphorismum,

respon-

Prognostica
Catarrhi in ge-
nere.

Prognostica
differentiarum
Catarrhi à for-
ma.

Prognostica
differentiarum
Catarrhi à for-
ma.

Extrinsæcari.

A tempore.

A coniun-
ctis.

Nota de Catar-
rho senum, &
puerorum.

respondit, eum verum esse, sed non in viro medico. Verum de senibus illud etiam, ex Hippoc. notandum, 3. aph. 12. subitæ mortis periculum, illis ex destillatione imminere. Id quod idem Hippoc. lib. de aëre, aquis & locis, quoque confirmat, ubi & causam huius rei, refert in raritatem, & venarum in senibus ἐκτνήξιν, id est, colliquationem, seu tabefactionem: & præter hoc subitæ mortis, periculum, addit etiam partis dextræ, vel sinistræ, cum stupore, resolutionem. Puerulos quoque recentèr natos, ex Gal. 2. aph. 40. ob cerebrum humidum, & excrementis plenum, & ob calorem humiditati immersum, citò destillationes interimunt. Iam ex differentiis intrinsecis, si consideretur Catarrhi species, quò maior est in eo recessus a statu naturæ, eò curatu est difficilior. Quare Catarrhus, qui sapit atram bilem, est periculosior; huic succedit biliosus; tertio loco est sanguineus; postremo pituitosus sincerus. Quod si origo attendatur, in communi quidem, semper, qui a morbo cerebri pendet, periculosior est eo, qui a causa morbifica; & qui ab intemperie cerebri, eo, qui a mala compositione oritur. Priuatim verò, quoad intemperies, semper peioris conditionis est, qui fit ab intemperie calida; quia generatur excrementum insignis actiuitatis, & vehemens valde, ratione suæ essentia. Quod si intemperies sit frigida, & in habitu, fere incurabilis est Catarrhus. Vnde in hoc casu, id tantum præstare debet medicus, ut, sicuti excrementum catarrhale còtinuò generatur, & aggregatur, ita successiuè, per partes aliquas ignobiliore, educatur. Quod ad reliquas duas intemperies, humida multò faciliùs, quàm prædictæ duæ, remedijs cedit. Sicca verò ægerrimè, & ipsa superatur, præsertim si frigida sit. Est enim temperatura hæc senilis, quæ non corrigitur medicamentis. De causa morbifica, seu vitio obiecti, ita statuendum est, ubi illud pendet a causa admodum vehemente, & quæ sit cum maximo recessu a statu naturali, ut si generetur ab admodum læsa facultate alicuius visceris, vix scopis curatiuis licere satisfacere; e. g. si generetur a ventriculo laborante intemperie in habitu. Augetur item difficultas, si obiectum sit valdè copiosum, & qualitate maximè noceat. Circa vitium exeuntis catarrhalis, de vitio secundum substantiam ita statuo, Catarrhum venenatum semper minari periculum. nam maximus est in eo recessus a statu naturæ, & propterea maxima mala impendent. Atque tales fuere illæ duæ constitutiones catarrhales, quarum vna anno 1557. altera 1580. sub autumnii initium, inualuit, cum Symptomatibus adeo periculosis, ut maiorem partem hominum sustulerint, & pleriq., quibus uel missus sanguis fuerat, vel purgans datum, perierint. Catarrho venenato succedit putridus, & huic tandem Veneris, qui ita plerumq. est contumax, & vehemens, ut non sit sine aliquo periculo, saltem quia perducit ad mala incurabilia, uti Cachexiam, maximè si sit in habitu, & confirmatus. De Vitijs reliquis. Quo copia fuerit maior, eò maius impendet periculum, ac eò magis, addit Auicenna, si caput doleat. nam ratione doloris, fit attractio materiæ in caput. Rursus excrementum tenue maius adfert periculum; (Hinc ex 6. Epid. malignæ destillationes tenues.) crassum & viscidum, difficiliùs medicamentis cedit, licet in eo periculum non absit. Calidum excrementum, quia est maioris actiuitatis, ob id est ipsum quoque maioris periculi. Et idem dicendum est de eo, quod est iniucundi odoris, & saporis, recedens ab albo colore, & figuræ rotundæ. Tale enim fit a causis maioris actiuitatis, & quæ maius

E nego-

Intrinssecarū.

A specie excrementi.

A causa.

A vitio, seu peccato.

In substantia.

Quantitate.

Qualitate.

Quiete. negotium medico facessunt. Ut quiescit excrementum, quo magis adhæret, eo peius est, & tractatum difficilius. Quantum ad morum eiusdem excrementi, si terminus a quo spectetur, certum est, quo cerebrum valentius expellit, eo id esse peius, ex 3. *aph.* 12. Si consideretur terminus ad quem, quo pars est dignior, eo absque dubio Catarrhus est periculosior. Hinc Celsus ait, si fluat ad nares, esse leuiorem, si ad fauces peiorem, si ad pulmones pessimum, ex *Hipp. lib. de glandulis, & Galeno loc. cit.* Rursus, si terminus ad quem attrahat, adest minus periculi; quam si suscipiat: imo si suscipiat ob nativam imbecillitatem, malum est incurabile, sicuti est podagra catarrhalis hæreditaria. Pro ratione spacij, per quod fluit Catarrhus, varia prognosticatio est instituenda. Nam si per spacia inania deferatur, cæteris partibus, minus est periculum. Nam materia extra venas defluit, uel in carnes, uel in articulos; unde affectus cutanei, tumores varij, & arthritidis; quæ, etsi non sanentur, est tamen ex genere morborum, qui non occidunt. Si eadem materia fluat per nares, minus & sic periculi est: imo videtur præcauere hic fluxus aliquos morbos: ad quod respiciens *Hippocr. 6. Epid. 2. tex. 42.* dicebat, præsentente grauedine, non fieri tumorem Lienis, & contra. Cuius rei secundum Ruffum, & Sabinum, ea est ratio; quia per grauedinem sanguis expurgatur, ita ut nihil in lienem viciosi descendat. Galenus tamen præter iam dictam, Ruffi, & Sabini, duplicem aliam adfert rationem in commento, vnam communem, alteram priuatam. Communis est, Quia raro duo membra sunt æquè debilia: propterea materia semper decumbit in partem debiliorem. Particularis est, Quia grauedo fit a pituita tenui, & aquosa, lienis autem tumor, a materia crassa. Quicquid tamen sit, si grauedo fuerit crebra, & copiosa, ex *Avicenn. lib. 3.* poterit præseruare a tumore Lienis, quæcunque sit illa materia, quæ per grauedinem exit. Si fluat per os, satis magnum adest periculum; adhuc maius, si per oesophagum; (quamuis enim *Hippoc. 1. de morbis* scribat, destillationem ad stomachum, magis tutam esse cæteris; tamen *Gal. 7. Meth. pluribus in locis*, docet hoc non semper verum esse: imo interdum hanc destillationem esse exitialem, maxime, si materia calida destillet in stomachum frigidum, cum alui stipticitate) adhuc maius si per tracheam; præsertim si caput eius, vel ipsa exulceretur, & potissimum, si ad eius cartilagine peruaferit, quemadmodum liquet ex 7. *de usu part. cap. 7.* In qua tamen Trachea id notandum, si per eam fluat materia in pulmones, maius esse periculum, quam si feratur in pectus, 6. *Epid. com. 3. tex. 18.* Ratio est, Quia si in pulmones decumbat, imminet phthisis, præcipuè si materia sit tenuis, acris, & salsa. Duo siquidem mala facit. nam vel erodit, vel saltem tussim vehementem facit, ob quam vasa pulmonum facile rumpuntur; unde additur tertium, quod ob vehementem tussim repletur, & afficitur caput, & ita destillatio augetur. Sequuntur autem hæc, quoniam materia descendens maligna non coquitur, nec incassatur in pulmonibus; proinde si ibi moretur, cum non vincatur, mala dicta infert. Si per neruos fluat, periculosior est Catarrhus, quam si per vacuitates; nec minus periculi adfert, si per venas, quia imminet febris continua, atrophis, cachexia. Si verò per arterias fluat, nihil peius accidere potest homini. Nam ratione cordis imminet palpitatio, & Syncope. De differentiis ex subiecto, nimirum generante, & mandante, quod est cerebrum, & recipiente, quod est totum, uel pars, pauca dicenda sunt. Nam ex dictis

*Prognostica
differentiarum a
subiecto.*

dictis patet, quid sit prognosticandum. Id solum notandum, quod *Suph. 2.* traditur a Galeno; nimirum homines, qui sunt humidiores, vel cerebro tantum, vel vniuerso corpore, eos præ cæteris destillationibus tentari. Quare de materijs præsidiorum agere tempus est.

MATERIAE CHIRURGICAE.



IRCA materias igitur Chirurgicas, ante omnia necessarium est, ut decernatur, an mittendus sit sanguis per venam sectam. In hac vero difficultate, breuiter sic puto habendum esse, ut præsentibus indicantibus, & coindicantibus; absentibus verò prohibentibus, necessario secunda sit vena, in quocunque Catarrho, dummodo fuerit magnus, vitiumque sanguinis coniunctum habuerit. Est autem Catarrhus magnus ille, qui descendit ad partem aliquam magni momenti, & effatu dignam, vti ad oculos, fauces, pulmones, ad totum per venas, vnde febris oritur; ad cor per arterias, vnde mala cordis proficiuntur. Est item magnus, qui copiosus est, cum plenitudine totius; qui per quam crassus, lentus, & viscidus; qui præceps est, & suffocans; qui mala qualitate erodit, & vlcera. Vitium verò sanguinis magnum in hoc casu nullum aliud est, nisi quia sanguis habet rationem causæ, uel adiuuantis, dum scilicet miscetur cum muco; vel sine qua non, dum nimirum sanguis, vel redundat in toto, vel est nimis feruefactus, seu à præsentia humoris falsi, & biliosi, per venas illi commixti, seu ab obstructionibus in febre. Imò, si indicetur aliquod præsidium, cuius materia sanguinem possit feruefacere, & vitare, non est desistendum à venæ sectione. Indicatur enim hoc in casu, à præsentis, ut minatur aliquod, malum futurum. Ex his verò facile patet, in Catarrho calido, sine dubio mittendum esse sanguinem, adest enim morbi magnitudo, uel imminet, & adiungitur sanguinis vitium. Hinc *Galen. 5. Meth. 14.* in Catarrho falso mittit sanguinem, & *Rhasis* in Catarrho, cum pruritu narium, & palati, idem facit. Mesues quoque ad sanguinis vitium respiciens, si corpus, inquit, fuerit calidum, & sanguineum, ac Catarrhus calidus, conuenit sanguinis missio. Euadit verò Catarrhus in corpore dicto calidus, ob mixtionem uel sanguinis, uel bilis, uel succi falsi. Vitium porro sanguinis in hoc casu quodlibet concurrere potest. Nam sanguis, & cum muco misceri potest, & in toto redundare, & feruefieri ex usu medicamentorum discutientium, uel saltem siccantium, quando excrementum catarrhale his opus habet. Nec est, quod quis obijciat, Catarrhum calidum non opus habere discutientibus. Respondeo enim, uerum id quidem esse, ratione qualitatibus illius, sed non ratione copiae, quæ indicat euacuantia discutientia, si materia tota sensibilibiter non possit euacuari, ac sit impaeta. Conueniunt tamen magis siccantia, in Catarrho calido, quam discutientia; quæ siccantia, etsi non feruefaciant per se; per accidens tamen id facere possunt, quia siccitas est lima caloris. Quod verò *Tornomira*, & *Gordonius* aiunt, sectionem uenæ, in Catarrho calido, reddere homines toto uitæ tempore raucos, nihil est, & experientiæ repugnat: & si id aliquando contigit, id ex uno potius, uel altero casu factum est, quam ex uenæ sectione. Est igitur secunda uena in Catarrho calido. Sed & in Catarrho frigido, si sit magnus, & uehemens, ac sanguinis uitium adsit, uel immineat, ob idum me-

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Indicantia uenæ sectionem in Catarrho.

Rectus usus ve-
ne sectionis.

Quantitas mis-
cendi sangui-
nis.

Modus agendi.

Tempus.

In omni Catarrho statim à principio miscendus sanguis, exceptis duobus casibus.

1.

2.

Vbi agendum.

dicamentorum discutientium, & calefacientium, sine dubio sectio venæ probatur, quia adsunt indicantia. Notandum tamen in hoc Catarrho, si ad modum ipsius *Mesuei*, corpus sit frigidum, & paucò sanguine refertum, abstinendum esse à venæ sectione, quoniam sanguis in hoc casu potius rationem habet remedij. Sua enim præsentia temperat frigiditatem, hancq. ipsam corrigit. Et propter hoc, etiam si in Catarrho frigidus, & corpore pariter frigidus, adsit febris, non mittitur sanguis, quoniam febris similiter habet rationem remedij calefaciendo. Illud tamen sciendum est, præter indicantia, respiciendum etiam, in mittendo sanguine, esse ad ætatem coindicantem, & vires aliquando coindicantes, aliquando prohibentes. Aetas igitur sit florens, vires robustæ, alijs prohibent, sicut in Catarrho calido, si subsit copia vitioforum humorum, & paucus sanguis, ut in corpore frigidus: quod præceptum ad vires attinens, elicitur à *Gal. 5. Meth. 14. & alibi*. Quod ad rectum usum venæ sectionis attinet, Circa Quantum agendum ita statuo, sanguinem non educendum esse ea copia, qua sanguis peccat, sed parcius. quia ad vires futuras respiciens medicus, debet omne studium in id impendere, ut validæ conferuentur, quo & contra causam principalem pugnare, & medicamenta necessaria perferre possint. Verum parcius adhuc, in Catarrho frigidus, mittendus est sanguis, ob rationem dictam; præcipue vero, quod non nisi longo tempore affligit, & medicamentis valde reluctatur. Ob has enim causas, vires quoque robustiores requirit. De modo agendi. Sine dubio maius in Catarrho frigidus, quam in calido foramen in vena infligendum est, quo sanguis crassior commodius exeat. De tempore ita sentio, in omni Catarrho, statim à principio mittendum esse sanguinem. Nam tunc magis commoda, & tuta via paratur alijs remediorum materijs; præterea, à principio habemus vires magis robustas. Sunt tamen hac in re duo casus excipiendi. Primus est *Gal. 5. Meth. 14.* ubi cognoscens Galenus, ex una parte in destillatione falsa, sanguinis missionem ad refrigerandum, convenire; ex altera vero parte, cacochymiam adesse exquisitam, sub qua sanguis deficit, & vitiosus succus redundat, merito quorum duorum, vires languidæ redditæ, potius venæ sectionem prohibent; primum iubebat, ut succus ille ad meliorem naturam uirtute ciborum redigeretur, ut cacochymia, quæ erat legitima, euaderet notha, ob noui sanguinis generationem, viresq. reficerentur, deinde ad sectionem venæ deueniretur. Nunquam enim, in usu huius remedij, sunt vires despiciendæ. Quare *Gal. loc. cit. c. 13.* in spuito sanguinis, ex Catarrho acris, non fuit ausus in matrona illa venam secare, quia vires ob inedia muerant debiles. Secundus casus est *Rhasis*, qui in Catarrho calido, propulso à cerebro, vi aeris externi refrigerato, non vult statim mittendum esse sanguinem, sed prius capiti adhibet pannos calidos, & tunc demum, si illi non sufficiant, pro tollenda frigiditate illa, venam secat. Ratio huius est, quia tunc frigiditas illa vincitur à sanguine peccante. Cum enim necessarium sit, in hoc casu, deuenire ad medicamenta magis calefacientia, vi quorum sanguis in toto redundans, posset trahi in caput, vel usu saltem eorū interiori inquinari, vitiariq., ideo, quamprimum est secanda vena. Id quod ego non tantum intelligo, de sanguine peccante in toto, sed etiam peccante alijs modis, ut supra tactum est. Quod Vbi agendum, si vitium sanguinis sit in toto, secanda est vena mediana: si vitium sit in capite, præcipue mihi probatur sectio venæ Cephalicæ:

De Catarrho Tractatus.

21

licæ: si suppressæ sint hæmorrhoides, aperiendæ venæ sedales; si menses, venæ tali. Sed & in calido Catarrho, euacuatio sanguinis per venam frontis conuenit, & per hirudines post aures, vbi caput valdè fuerit rubrum, venæq. latæ, & amplæ. Imò si inflammationis vestigia in faucibus appareant, conuenit apertio venarum sub lingua.

Venæ sectionem sequuntur cucurbitulæ scarificatæ, & hirudines, quæ probantur, si Catarrhus non sit magnus, nec vitium insignis sanguinis adfit: imò si sectio venæ prohibeatur, possunt substitui loco eius. Si verò substituantur venæ sectioni, applicandæ sunt partibus infernis, dummodò tamen partes illæ non laborèt doloribus, uel alijs affectionibus. nam tunc humeris, & brachijs affigi possunt. Quod si adhibeantur, tanquam remedium principale, in morbo, & sanguinis vitio mediocri; tunc, si Catarrhus descendat ad partes infernas, apponendæ sunt partibus supernis, humeris inquam, & brachijs, ceruici, & occipitio, imò & syncipiti. (Hinc Auic. in destillatione ad pectus, nō applicat cucurbitulas dorso, sed partibus hisce, ne trahatur materia ad locum affectum.) Quod si Catarrhus partes superiores molestat, partibus infernis sunt adhibendæ. Atque idem de partibus dextris, & sinistris intelligere oportet. Si verò impacta sit materia, alijs non conferentibus, parti ipsi laboranti apponendæ sunt. Quæ tamen omnia vera sunt de cucurbitulis, quæ gratia partis alicuius adhibentur. Quoniam, si ratione totius sint vsurpandæ, eodè modo conueniunt adhibita, ac quando adhibentur loco sectionis venæ. Quod si quantitas aliqua sanguinis detrahenda sit, poterunt adhiberi plures cucurbitulæ, cum pluribus, & profundis scarificationibus, ac crebrius repeti. Quæ verò de cucurbitulis dicta sunt, ea omnia de electione, & recto vsu hirudinum intelligere oportet. Sed quia sæpissimè accidit, ut medicus incidat in Catarrhos præfocatiuos; circà venæ sectionem, & cucurbitulas, in gratiam huius casus hæc noto: nimirum existente plenitudine, & incipiente materia figi in aliquo membro nobili, statim secandam esse venam; præterea ad thoracis dilatationem, & pro dilatando anhelitu, super vertebra thoracis imponendam cucurbitulam: ad hæc & ad diuersionem, partibus carnosissimis scapularum, pariter cucurbitas affigendas. Sic enim plures, euadunt, quemadmodum plures pereunt, si cum alijs remedijs materiam agitantibus procedatur. Subsequuntur cauteria, & vesicantia. Cauteria igitur maximè in hoc malo conueniunt, quia hæc occurrunt simul, illius & copię, & motui vitioso. Quod igitur pertinet ad Catarrhum calidum, aliqui in eo cauterium in vertice omninò improbant, quia calefaciat cerebrum: alij admittunt quidem, sed tùm tantum, si materia in pulmones destillet. Si enim non destillet, alijs vtuntur remedijs, quia, aiunt, materia calida, vt quæ irriter facultatem expultricem, faciliè alijs modis è corpore educitur; at si ad pulmones destillet, & sit copiosa, cauterium inurunt in futura coronali, idq. non solum vt copia in cerebro tollatur, sed ut retracta materia sursum per suturam, prohibeatur ne in pulmones descendat, ac sic reuellatur. Sed priorum ratio omninò nulla est. Tantum enim abest, ut cauteria calefaciant, vt etiam refrigerent. Vltio quidem actualis ignis quàm diu manet, tam diu calefacit: sublato verò igne pars emoritur, locus fit frigidior, quia continuò diffiatur. Vnde partes quæ cauteria gestant, si fluxio calida non sit, redduntur frigidiores. Posteriorum sententiam, vt circà cauterium in destillatione ad pulmones libenter amplector; ita non

De cucurbitulis, & hirudinibus.

Notandum est, quia venæ sectionem, & cucurbitulas in Catarrho præfocatiuo.

De cauterijs.

An conueniat in Catarrho calido, & quando, & vbi.

Sententia aliorum.

Sententia propria.

F video,

An in Catarrho frigido co-
peniatis. & Vbi
et Quando.

Quæ cauteria
ex his utilio-
ra.

Objectionis so-
lutio.

Contra eorū di-
sputat qui
omniñō caute-
ria in capite
improbant.

video, cur etiam non destillante materia ad pulmones, ibidem ad præser-
vationem cauterium adhiberi nequeat. Illud tantum circa cauterium hoc
noto, si huiusmodi Catarrhus à partibus naturalibus, vt iecore, originem
habeat, abstinendum esse ab eo. aliàs enim totum corpus euacuaretur per
locum affectum, nimium cerebrum, quod est inconueniens. Quare in hoc
casu gratia iecoris laudo cauterium in cruribus: gratia capitis infra occipi-
tium, vel in brachijs. In Catarrho frigido, Auicenna pariter cauterium
ad futuram coronalem laudat, idq. gratia euacuationis, & exiccationis ca-
pitis. Cuius sententiam ego quoque laudo in materia pertinaci, quicquid
contradicat *Paparella lib. 2. cap. 15.* qui omnino cauterium hoc in casu im-
probat. Ratio quæ me mouet est, quia materia frigida ex sua natura non
ita facile euacuatur, cum ab ea facultas expultrix non irritetur, & hinc non
rarò imminet periculum apoplexiæ, & aliorum malorum. Cæterum hoc
Auicennæ addo, non solum euacuationis, sed reuulsionis quoque gratia, in
huiusmodi Catarrho, cauterium hoc locum habere posse, si scilicet materia
copiosa destillet ad pectus, & præfocationem minetur. Tunc enim ad re-
trahendam hanc, non parum momenti habet tale cauterium, prius tamen
toto euacuato, adhibitum. Sed nec in ceruice, vel occipitio mihi caute-
rium pro euacuatione improbat: imò non desunt, qui libentius hic pa-
rent cauterium, quàm in Syncipite, ducti & grauitate materiæ euacuandæ,
quæ facilius per partes infernas educitur, & maiori viarum euacuationis
commoditate. Quod ad aliarum partium cauteria attinet, idem in hoc
Catarrho dicendum est, quod dictum est in calido. Nam si in Catarrho
frigido materia suppeditetur à ventriculo, vel alia parte abdominis, tunc
gratia ventriculi ad reuulsionem cruribus, gratia capitis ceruici, aut bra-
chijs, ut cito materia à capite retrahatur, cauteria sunt affigenda, ob eandem
quæ supra allata est rationem. Atque hæc ita de cauterijs statuuntur.
Ego tamen, vt liberè dicam, quod sentio, de hisce capitis cauterijs, quia vi-
deo illa sæpè parum iuuare, & maxima cum difficultate, & molestia seruari
ad aliquod tempus aperta, iccirco eis præfero cauterium in ceruice dupli-
catum, quod vulgò *Setaceum* vocant. Nam hoc maximè caput euacuat,
& in destillatione ad pulmones calida, si non reuellit, saltem intercipit ma-
teriam fluentem. Nec obijciat mihi aliquis, setaceum tantum operari in
fluxionibus per partes externas, non autem internas, & proinde meliora
esse eo in loco cauteria. Quia primò, esto hoc verum primis diebus, at sal-
tem id ratum est, & certum, transactis aliquot diebus, partem ita imbecil-
lem fieri, vt etiam ex internis partibus ad eam demandetur materia. Se-
cundò, Quia cauteria ipsa quoque ibidem parata, eò quòd non seruantur
profunda, sed carne implentur, nequaquam magis à partibus intimis eua-
cuant, quàm setaceum, quod & aliquem dolorem excitando nonnunquam
attrahit. Cæterum vnum hæc in re casum excipio, nimirum cum subito flu-
xio sistenda, & reuellendo euacuanda est. Hoc enim in casu non eo infi-
cias, quin excitatum in futura coronali cauterium longè setaceum antecel-
lat. Quare non possum non mirari, tum recentiores alios, qui omnino ta-
lia cauteria improbant, & sola, siue setacea, siue cauteria occipitis ample-
ctuntur: tum Mercatum etiam, qui eadem damnas, solum paruas quasdam
inunctiones in capitis circumferentia approbat, idq. tum tantum si materia
fluat à vasis externis capitis ad intima. Nam reuera hæc cauteria penitus
tollere,

tollere, est reuellendi indicationem negligere, & cōsequenter vim methodi medendi tollere. Nec verò quicquam valent rationes eorum, quibus hoc euincere conantur. Probant enim id primò, Quia cauterium in occipite præstat idem, quod in Syncipite. Secundò, Quia securius in occipite infigitur, cum in Syncipite sint partes magis sentientes, ob quas facile imminet conuulsio: & ex Hippoc. lib. de Vulneribus in princ. vlcera vsque ad os cranei penetrantia sint periculosa. Tertiò, Quia ob situm decliuorem cauteria in occipite materiam melius expurgant, cum ea potiùs ob grauitatem descendat, quàm ascendat. Sed nullo negotio respondetur. Ad primum negatur idem præstare cauterium in occipite, quod cauterium in futura coronali, Quia primò in futura reuellit, & euacuat simul, in occipite intercipit, & euacuat. Secundò, Quia ob raritatem futurarum, & vicinitatem cerebri, materia absque dubio meliùs, & citiùs expurgatur per futuras, quàm per occiput. Ad secundum, Dico, si ex toto partes sentientes peruadantur à ferro ignito, nullum inde sequi periculum. Hinc videmus perforato neruo fieri conuulsionem, non eo ex toto inciso, sicuti Galenus aliquando nobis indicauit, loquens de vulneribus neruorum. Quod verò ad Hippocratem attinet, nihil facit eius sententia contrà nos. Hoc enim tantum vult, periculosa esse illa vlcera, si malè tractentur, non autem sua natura. Ad tertium, Dico imprimis, id quod assumitur, non esse verum de omni materia, sed tantum de frigida. Calida enim, ut quæ in vapores facile abit, faciliùs ascendit, quàm descendit. Deinde, esto faciliùs descendat, quàm ascendat materia, tamen id verum tantum est de ea, vt talis, & per se consideratur, non autem quatenus, vel à facultate expultrice ad partem vltam tanquam imbecillem expellitur: vel inducto dolore aliquo, per frictionem, aut à cauterio, eo trahitur. Quoad vesicantia, ea conuenire in Catarrho frigido, nemo est qui dubitet, idq. duplici nomine, tum ratione alterationis, quia scilicet intemperiem frigidam cerebri corrigunt, cum non in superficie tantum, ut cauteria, calorem inducant, sed ad intimas etiam partes vim calefacientem transmittant: tum ratione reuulsionis, si scilicet materia frigida, imperuosè delabatur ad fauces, & suffocationem minetur. Porro an in calido Catarrho conueniant, non pauci sunt qui dubitant, & inter eos Paparella lib. 2. de Catarrh. c. 15. omnino ea improbat, tum Tralliani auctoritate nixus lib. 7. c. 5. vbi Galenum ea adhibere ausum reprehendit: tum hac ratione, Quia caliditatem cerebri augendo, in causa sunt, vt fluxio concitetur maior. Quin imò Galenus in hac re sibi esse videtur contrarius. Nam 6. de Tuend. San. c. 9. & 13. Meth. c. 22. & lib. 2. Epit. c. 2. apertè scribit, se in Catarrho frigido libenter vti medicamento ex thapsia, sed in calido se minimè hoc probare. Contrà tamen idem Gal. 5. Meth. c. 13. & 14. in matrona Romana destillatione calida laborante, hoc ipso medicamento vtitur ex thapsia, & stercore columbino, quod si non exulcerat, saltem rubefacit. Ego tamen eius sum sententiæ, in Catarrho calido, si is cum impetu à capite descendat, maximè in pulmonem, sic ut vel phthisis periculum instet, vel perennis, & molestissima tussis, qualem ego aliquando obseruavi, ab eiusmodi fluxione concitatam esse, non minùs conuenire, quàm in frigido. Experientia enim docet hoc præsidij genere celerrimè fluxionem sisti, & mala prædicta euitari. Ea verò quæ in contrarium alata sunt, facile remouentur. Nam quoad Trallianum, si is ita vult, ne in dicto

Rationes eorū
proponuntur.

Soluntur res-
siones.

De Vesicanti-
bus in capite.

An in calido
Catarrho con-
ueniant, &
quando.

Argumenta
gantium con-
uenire.

Propria sen-
sentia.

Solusiones ar-
gumētōrū con-
trariū.

dicto quidem casu admittendum esse hoc genus medicamenti, equidem existimo cum iniuria Galenum reprehendere. Ad rationem respondeo, maius expectari commodum à subita reuulsione, Catarrhum sistente, quam hoc medicamentum præstat, quam à caliditate, quam cerebro communicat, & ideo minus malum esse eligendum, ut maius vitetur. Quoad Galenum, is sibi nequaquam est contrarius. Facile enim loca dicta conciliantur, idq. bifariam. Primo enim respondetur, quando Galenus laudat illud medicamentum in fluxione calida, cum respicere ad motum materiæ vitiosum, & eius copiam, quæ duo, euocata materia ad superficiem cutis per usum huius medicamenti, statim corriguntur, & quasi tolluntur. Vbi verò idem medicamentum reprobatur, respicere ad intemperiem capitis calidam, quæ potius usu illius medicamenti calidi augetur, seu, quod idem est, hic respicere hoc medicamentum tanquam alterans, ibi tanquam reuellens. Secundò dici potest *Gal. 5. Meth.* loqui de destillatione calida non simpliciter, sed calida ad pulmones impetu irruente, & exulcerationem minante: at *6. de Tuen. San. 9.* sermonem habere de destillatione calida simpliciter, & à qua non statim imminet eiusmodi periculum. Porro vesicatorium, quod mihi magis probatur, est eiusmodi. *Rec. Cantharid. præp. drach. vi. Synapi drach. ij. fermenti acris unc. β. Caricarum pinguium num. v. sem. ameos drach. i. M. cum aceto scyllino, vel aqua ardeni f. pasta.* In qua compositione basis locum tenent cantharides; eandem iuuant Synapi, fermentum acre, acetum scylliticum, seu aqua ardens, ratione acrimoniæ, & caliditatis: corrigunt ratione emplasticitatis, fermentum, & carica; ratione proprietatis occultæ, semina ameos, quæ corrigunt vim cantharidum inimicam vesicæ. Applicatur autem vesicatorium hoc Syncipiti, in medio capite ad futuram sagittalem; occipiti, & ad capitis cornua prope futuram Lambdoidem. Restant postremò loco, inter materias Chirurgicas, cucurbitula sicca, & frictions, vincula extremorum, eorumq. lotiones cum aqua calida partibus extremis, brachijs, & cruribus adhibita, de quibus nihil est dicendum, cum illorum in hoc casu utilitates nemini esse possint ignotæ. Vnum tantum noto circa has materias, non deesse, qui pro sistendis Catarrhis capillos vellicent. Atque hoc scribit Alex. Benedictus Veronensis, à Græcis potissimum observari. Magnam enim partem capillorum manu vehementer apprehensam eos vellicare, donec crepitu cutis ab offe recedat, & sic destillationes ex quacunque causa frequentissime sistere. Ad has easdem materias pertinet, quod Plinius scribit, in manu dextra medios duos digitos ligno colligatos destillationem arcere, atque idem facere præligatum pollicem in pede, maximè si canina cuti, & digitum dicti, & pollex obuoluantur. Illud quoque Aetij huc spectat, qui iubet plantas pedum constanter fricare cum pice in oleo plurimo dissoluta. Sed ad medicamenta venio.

MATERIÆ PHARMACEVTICÆ.

Medicamenta
respiciunt ma-
teriam, ut est
genita.



EDICAMENTA igitur respiciunt materiam, vel prout genita est, vel prout generatur. Si eam respiciunt, prout genita est, cum hæc consideretur, quatenus copiosa, & quatenus mouetur in partes subiectas, ratione copię occurrunt euacuantia; ratione motus intercipientia, ac reuellentia. E quibus euacuantia rursus, vel totum respiciunt, vel partes. Si verò ad eam, prout gignitur,

gnitur, referuntur, sic sese offerunt alterantia caput. De his omnibus breuiter agam, exorsus ab ijs, quæ euacuant totum. In materia igitur calida, pro leniēda aluo, in potu cōuenit Syr. ros. sol. vel man. el. cū melle sol. viol. diluta cū liquore aliquo refrigeranti. Pro bolo cōuenit cassia cum manna. Dantur autem ventriculo ieiuno. Ad præparationem materiæ probantur decoctum cichorei, endiuæ, betonica, hordei mundi; cum Syr. de succo endiu. de ros. rec. Quod si materia sit admodum tenuis, decocto lactucæ, & violar. Syr. violat. de iuiub. de papauere addi poterunt: imò tunc magis decocta, quam Syrupi, vt qui faciliè bilescant, ex vsu erunt, & loco Sympliciorum, mucilago psyllij, ac gummi Tragacanthæ decoctis adijci poterunt. Vbi verò materia habeat aliquam crassitiem, poterit decocto adijci hordeum: erunt item immiscenda Syr. acet. simpl. oxymel. simpl. sicut & materia pulmones petente Syr. de Farfara; liquiritia verò, farfara, capillusq. Veneris decocto opportunè admiscebuntur. Nec mirum videatur alicui, me betonicam, alioqui calidam, immiscere decoctis, quoniam, sicuti in electione purgantium materiam calidam, & acrem, ex 5. Meth. vt videbimus, seligenda sunt, quæ diuersos succos educant, quia semper aliquid pituitæ, vel falsedinis ex putredine contractæ, immiscetur; ita etiam præparantibus non immeritò immiscetur betonica pituitam respiciens. In horum autem præparantium vsu, persistendum est, quousque in vrinis cernantur notæ coctionis. Pro purgāte, laudatur in materia biliosa Syr. ros. sol. cū R habarb. & agar. troch. electuariū rosat. Mes. vel de succ. rosar. cū cassia, adiecta portione aliqua agarici, ob rationem ex Gal. 5. Meth. adductam, qui dat ibi pilul. ex colocynth. in destillatione acris. Conueniunt item pilulæ aureæ. Proponuntur autem pilulæ, quia cum materia etiam sit in capite, idè ab eo attrahentibus, veluti pilulis, vti oportet: quarum tamen, vt & electuorum caliditas, si timeatur, dari potest post illa apozema ex sero, vel aqua hordei. Quoad rectum vsum horum purgantium, quædam notanda sunt. Circā Quando agendum, Notandum primò, conuenire purgantia, vbi præsens est materia purganda in toto; quoniam, ex 4. acut. 85. non in omni Catarrho vtendum est veratro, cum interdum soli capiti sit prospiciendum, vbi nimirum materia non peccat in toto. Notandum secundò, dum purgantia exhibentur, semper supponi debere coctionem materiæ educendæ. Verum circā hoc difficultas est. Nam queritur à non paucis, an incipiente fluxione ad pectus, liceat statim ad purgans deuenire, nulla præmissa materiæ præparatione. Sunt quidam, vti Trincanell. & alij, qui dicunt, si immineat aliquod præceptum periculum, licere statim, vt purgante: si verò non immineat, prius præparandam esse materiam, quippe quæ aliàs agitata, cum purgantibus non cedat, faciliè impellatur, vel ad ventriculos cerebri, vnde Apoplexia, Epilepsia; vel ad fauces, vnde Suffocatio. Præceptum autem periculum imminere dicūt, vel ex materia tenui, & in motu præcipiti, vel ex eiusdem materiæ malignitate, quatenus acris, & erodens est, ex 6. Epid. 3. tex. 18. vel quia propensa est ad aliquam partem, vbi de grauiori periculo est metus, vt de angina, de phrifi. Non imminere verò hoc periculum dicunt, si materia sit crassa, vel copiosa etiam, sed quæ non confestim moueatur. Quod si aliquis illis obijciat, quod traditur ab Hippocr. 1. aph. 22. cocta solum esse medicanda, nisi materia turgat; respondent bifariam. Primū, cum in Catarrho calido, & tenui statim datur purgans;

G id non

I.

Euacuantiat
totum in ma
teria calida.

Lenientia.

Præparantia.

Purgantia.

Circā rectum
purgantiū vñ
notanda.An incipiente
fluxione ad pe
ctus liceat pur
gare sine præ
paratione, ma
teriam calidā.Aliorum sen
tentia, licere.

aliqua

Sententia propria.

Euacuantiā totū pro materia frigida.

Lenientia.

Præparantia.

Purgantia.

id non fieri gratia euacuationis; sed reuulsionis cum euacuatione; Hippocratem verò id tantum velle, materia cruda non posse fieri euacuationem solam. Sed cum hæc solutio directè pugnet cum Hippoc. sententia, qui apertè fatetur, nunquam purgandum esse sine humorum præparatione, nisi materia turgeat; idèò Secundā addunt solutionem, nimirum calidā hanc, & tenuem destillationem, habere rationem materiæ turgentis. Sed & hæc responsio adeo à veritate est aliena, ut nulla ratione defendi possit. Nam materia turgens ex Galeno, & Hippocr. ratione motus est indifferens ad partem aliquam, materia autem de qua agitur nunc, ad partem determinatam mouetur, nimirum ad pectus. Dico igitur, non præmissa præparatione, aut non licere in casu dicto, uti electiue purganti; aut, si liceat, id fieri, quia materia supponitur cocta saltem in toto. Nam cum in præcipui destillatione supponatur, materiam peccantem, pro maiori parte, à toto ad caput propulsam esse, uti ad partem imbecillem, videtur colligi posse, quicquid in toto remansit, id esse coctum, & victum. Nam si excrementa aliqua praua sint in corpore, eaq; separata à bonis succis, pro maiori parte, ad partes imbecilles transmittantur, calorq. naturalis in toto vigeat, facile fieri potest, ut excrementa, quæ in toto remanent, à calore hoc separentur, & proinde tanquam cocta euacuari possint. Et hanc fuisse causam puto, cur Gal. 1. Local. 2. adolescenti cuidam alopecia laboranti, simul ac eum visita- uit, colocynthidem dederit, isq. sic sanatus fuerit. Atque hæc quidem, meo iudicio, vera est sententia. Cæterum, quoniam sunt quoque loca apud Hippoc. & Galen. in quibus proponi videntur casus purgandi etiam materiam crudam, Dico, in præsentia, quia materia fluit vel ad fauces, vel ad pulmones, quæ sunt partes inferuientes cordi per respirationem, si quis illis locis insistere voluerit, posse medicamentum purgans dari. Sic enim Gal. 6. Meth. 2. statim purgat in punctione nerui, ne cerebrum trahatur in consensum; & Hippoc. sub init. 6. Epid. in dolore nephritico illicò dat pharmacum, quia afficiuntur renes, qui immediatè inferuunt hepati. Sed hac de re diligentius in tractatu nostro, De Ingressu ad infirmos. In Catarrho frigido, pro lenienti, conuenit in porione, mel rosac. solut. datis prius in bolo speciebus hieræ; pro bolo, cassia cum speciebus hieræ. Præparantia mitia sunt betonica, saluia, liquiritia, passular. decoctum, cum oxym. simpl. mell. ros. col. Syrupus de beton. simpl. : fortia, decoctum hyssopi, origani, pulegij, calamenthi, cum Syr. de radicib. oxym. comp. vel scyllino, Syr. de beton. comp. de stœcad. de hyssopo. Propono autem mitia, & fortia, quia in materia pituitosa, de qua hic loquor, sæpius non sufficit vna præparatio. Quod si pituitosa materia est tenuis, & aquosa, conueniunt calida, sicca, incrassantia, sed non valdè diluta. Idèò probatur hoc in casu mel ros. simpl. cum Syrupus de myrto, adiecto tantillo decocti thuris, sandarachæ (per hanc intelligo resinam iuniperi, vel cedri) ac nuc. cupres. quod aromatizetur cum mace, caryophyl. gall. musc. In purgantibus crassam pituitam inter mitia sunt mel ros. sol. cum agar. troch. vel Diaphæn. cum Diacathol. vel pil. de hiera cum agar. vel hiera Pachij; inter fortia, est imprimis puluis cataputiæ. Hic enim sumptus cum modico cinamomi ad scr. j. ss. vel etiam ij. in robustioribus ex ouo sorbili, vel iusculo, sine molestia pituitam detrahit. Sunt pil. cochæ, quibus tamen, pro purganda materia aquosa, addendus est pulu. Mechocan, vel sem. ebuli: & ubi admixta fuerit melancholia, quemadmodum

dum præparantibus borrago, melissa, fumaria, ac Syrupi ex his parati, sunt admiscenda; ita etiam pro purganti exhibenda pilulæ cochineæ cum elleb. vel ex elleb. solo. Quoad rectum vsum, Circa quando agendum nemini dubium est, quin convenient præsentem materiam. Sed cauendum est à cruditate: & quoniam materia pituitosa sæpè est crassa, rebellis, ac contumax, ita ut non facile, & citò purgetur, idèò purgantia sunt repetenda. Illud tamen aliquis quærat, An, quemadmodum de Catarrho calido dictum est, ita in hoc frigido, materiam crassam à principio aliquando purgare liceat, nulla præmissa præparatione. Ac quidem licere hoc, aliquis inde confirmandum, quod si esset copiosa, & moueretur ad pectus, vel fauces confertim, procul dubio immineret aliquod periculum suffocationis, & asthmatis, cui non nisi purgando statim obuiam iri queat. Verùm, cum ex altera parte, si medicamentum purgans detur, quoniam materia hæc ob lentorem, & crassitiam, contrahitur medicamento, facile fieri potest, ut agitur, atque precipitata in partes iam dictas, mala illa pariat; aut ad ventriculos cerebri delata, apoplexiam excitet; idèò puto abstinendum esse à medicamento purgante per os sumpto, eiq. clysteres acres substituendos esse, deinde vero coctam materiam medicamento per os dato euacuandam. Subsequuntur medicamenta euacuantiæ partes. Quæ cum referri possint ad partes cum suscipientes, & attrahentes, id est, totum, & eius partes; tunc mandantem, nimirum cerebrum: quæ ad priores partes pertinet; petenda sunt ex proprijs tractatibus morborum particularium. Quæ vero caput euacuant, vel sensibilibus id agunt, vel insensibilibus. Quæ sensibilibus id præstant, duorum sunt generum, euacuantiæ nimirum per aluum, & per os, ac nares. Per aluum vacuatur materia catapotijs supra propõitis. Per os vero, & nares educitur caputpurgijs, id est masticatorijs, gargarismis, inunctionibus palati, errhinis, & sternutatorijs. Circa quæ tamen *Notandum primo*, sternutatoria ijs, qui ex pectoris laborant, & valida tussi, minimè convenire, ne ex forti agitatione magis in pectus Catarrhus concitetur. *Notandum secundo*, nulla caputpurgia convenire sub Catarrhi initium, & toto non euacuato, utpotè quæ sic maioris fluxus possint esse causa, & Catarrhi coctionem etiam impedire; ad quod respiciens *Gal. 1. de humoribus, com. 18.* dicebat, grauedines inter initia lædià sternutationibus, quia humores sunt crudi, & incocti. *Notandum tertio*, si materia defluat ad fauces, pectus, & ventriculum; tunc caputpurgandum esse per nares tantum, ne materia trahatur ad partes illas. At si destillatio non defluat ad os, nec ad ventriculum, commodior euacuandi via est per os. Nam per nares tutò id non possumus facere, quia sæpius eò attracta materia obstruuntur, & auferuntur olfactus. Quare non nisi coacti per nares euacuamus, imò si nares afficiantur, & oculi laborent, minimè per nares est euacuandum. Sed & materia non destillante ad os, si tamen oris partes vlcere afficiantur, per os nullo modo euacuandum est. At si dentes tantum, & gingivæ sint imbecilles, licebit per os euacuare, non tamen masticatorijs, sed inunctionibus palati, vel gargarismis. *Notandum quarto* circa gargarismos, eos in cura Catarrhi suspectos esse, in his casibus. Primo, si adsit suspicio Catarrhi ad pectus, & pulmones fluere soliti. Hinc in paratis ad asthmia, & phtisin non conveniunt. Nec obstat, quod Mesue in hoc casu laudat gargarismos. Nec enim euacuantes intelligit, de quibus nos hic agimus: sed sistentes, & repri-

Rectus usus
purgantium.

An liceat sine
præparatione
purgare materiam
frigida.

II.

Euacuantiæ
partes

Euacuantiæ
sensibilibus caput,
id est, caputpurgia.

Notanda circa
caputpurgia.

Quando per
nares, quando
per os purgan-
dum.

Gargarismi in
quibus casibus
suspecti.

reprimentes, ex rebus stipticis paratos. Secundo, si Catarrhus sit subtilis, & acutus, cuius fluxus facile concitatur. Tunc enim in ore incrassantia potius detinenda sunt. Tertio, in paratis ad suffocationem, & in suffocationibus, quæ subito fiunt. Quarto, dum Catarrhus est copiosus, & præcipitis motus. Cæterum, tametsi conveniunt Caputpurgia in Catarrho, tamen non statim ad ipsa veniendum est; sed, quoniam & ipsa opus habent aliqua humoris præparatione, & æquatione, præparantia ijs sua præmittenda sunt. Quare si humor calidus, acrisq. caputpurgijs sit euacuandus, cum hæc agitando possint materiam magis præcipitem reddere, unde facile fieri posset, ut in asperam arteriam, pulmones, aliasq. partes præcipitetur, opus erit, præmissis præparationis loco refrigerantibus, incrassantibus, & attemperantibus. Quod si humor crassus ijs sit educendus, quoniam hæc vehementer commouent, præcipue sternutatoria, & ideo necessario coctionem humoris, quæ sit in quiete, impediunt, & copiam augment, sicq. humorem ad euacuationem reddunt difficilem, attenuantibus, & incidentibus prius utendum est. Porro cum præparantia hæc duplicia sint, alia quæ præparant hanc materiam in capite, alia quæ præparant eam iam fluxam, & transmissam extra cerebrum, hæc sola hoc loco proponenda sunt. Nam priora ex dictis de præparatione materiæ in toto sunt manifesta. Si igitur materia fluat ad nares, & colatorium, in calida, ut moderatius fluat, pro refrigerantibus, incrassantibus, & lenientibus conveniunt indita in nares aqua rosar. viol. decoctum violar. portulacæ, lactucæ, iuiubarum, sebesten, papaveris; & si colatorium forte obstructum esset à materia crassa, & lenta, ob loci calorem excōcta, & densata, probantur aqua hordei cum saccharo, vel Syrup. ros. recept. iniecta: item suffitus ex semine lini, hordeo, vel furfure, prius in acetō maceratis, & arefactis ex Mesur; aut etiam suffitus ex saccharo: item illitus propē radicem, & initium narium cum oleo violato, vel butyro loto.

In frigida. In materia frigida laudatur iniecta in nares, decoctū chamæmeli, maioranæ, rutæ, sem. nigellæ, origani: suffitus ex seminibus nigellæ: odoramentum ex eisdem seminibus modicè torrefactis in linteolo deligatis: linimentum ex oleo anethino, chamæmelino, amygd. amar. Quod si materia fluat ad fauces, conveniunt eclegmata, seu lambitua, & gargarismi. In materia igitur calida, ex usu sunt Syr. de rosis, viol. iuiubis, portulacæ, & papavere ad lambendum; & inter solidiora, Diatrágacanth. album, & cum bolo, diacodion: gargarismus, qui fit ex vnc. v. aq. ros. & scr. ss. camphora, & ubi magis sistere, & frōnare voluerimus decoct. adstringētium, uti rosar. lentium, sine cortice, coriandrorum: si vero incrassare, & refrigerare decoctum, & succus lactucæ, portulacæ, & plantag. item, & capit. papav. albi: vel emulsio seminū illius cum aqua lactucæ. In materia crassa conveniunt ad lambendum Syr. acet. simpl. oxym. simpl. Syr. de beton. de hyssopo: imo in eundem vium faciunt conferre capitales calidæ: ad gargarizandum probantur decocta simplicium dictorum capitalium, hyssopi, & origani, vel sandarachæ Arabum, uel spicæ nardi. Quæ omnia in Catarrho calido usurpanda sunt frigida actu, vel saltem tepida; in frigido calida. Atque hæc præparantia sunt. Quoad ipsa caputpurgia Errhina probantur, tūm solida modò in vno narium foramine, modò in alio imposita, tūm liquida. Pro solido in materia calidiori. Rec. Succ. betæ, fol. hederae an. vnc. ss. Cum cera, & cerebinthina f. Turunda. In frigida promittiori. Rec. pulv. Synapis, nasture, pyrethri,

caputpurgijs
præmittenda.
huic caputpurgijs
huic caputpurgijs
huic caputpurgijs

In materia
fluente ad nares.

In calida.
huic caputpurgijs
huic caputpurgijs
huic caputpurgijs

In frigida.

In materia
fluente ad fauces.

In calida.

In frigida, &
crassa.

Errhina soli-
da.

pyrethri, pip. albi, an. scr. i. Laudani drach. ij. Cum cera f. turunda. Pro forti.
 Rec. Trochisch. alhand. elaterij, euphorb. an. scr. β. Syrac. calam. scr. i. Laudani
 drach. i. mosc. g. iij. Cum cera f. turunda. Liquida, quæ respiciunt materiam Errhina li-
 calidam sint temperata oportet, qualia sunt hæc. Rec. crem. ptiff. lib. β. succi quida.
 betæ unc. i. β. M. Vel Ret. aq. hordei, & betæ lib. β. succ. maioranæ unc. i. β. M. Vel
 urgente necessitate, uti cum materia mouetur ad pectus. Rec. ptiff. lib. β. Dia-
 grid. gr. viij. M. Quæ ad frigidam referuntur vehementiora, esse debent.
 Nam & ad euphorbium, elaterium, colocynthidem, veratrum ascendere li-
 cet. Exemplum sit. Rec. Mulsæ lib. β. elaterij scr. i. euphorb. gr. v. Succ. rad.
 cyclam. drach. ij. M. Quidam habent pro secreto succum caulium attractum
 per nares, & oleum nigellæ, si eo interiora narium illinantur: quæ & usur-
 pant in omni Catarrho, quamuis videantur magis frigido deberi, maxime
 oleum illud. Auicenna quoque scribit, vrinam asini traiectam per nares,
 nunquam fallere. Sunt autem hæc, in materia calida, usurpanda tepida; in
 frigida, calida; semperq. dum patiens illis vitur, detinenda est in ore aqua,
 Quæ per palatum euacuant, sunt, ut dictum est, masticatoria, inunctiones
 palati, gargarismi. Masticatoria parari hunc in modum poterunt. In ma-
 teria calida. Rec. mastich. drach. ij. thuris drach. i. Synapi, pip. albi, salis an.
 drach. i. pulp. caric. drach. i. β. cum cera alba f. pasta: à cuius usu, vbi materia
 ad os erit attracta, abluatur cum sero lactis, & ptissanâ, ne fiat vlcus. In mate-
 ria frigida. Rec. mastich. drach. ij. Staphidisag. pyreth. an. drach. β. Laudani
 drach. i. β. elaterij scr. i. M. cum cera f. pasta. Inunctio palati, fit cū puluere
 Synapis excepto, cum oxym. scyllino, vel diasynapi Mesue. Conferunt
 item magnæ antidoti. Sed in materia calida, vbi materia attracta est ad os,
 fiat semper ablutio cum aqua hordei, aut emulsione semin. melon. Gar-
 garismus in materia calida, temperatior sit, hunc in modum. Rec. aqua hord.
 cum sem. melon. & plantis capitalib. facta lib. β. mell. ros. col. Syr. de besonic. an.
 unc. i. M. In materia frigida sit vehementior, eiusmodi scilicet. Rec. decoct.
 rhymi, puleg. orig. calamenthi, serpilli, botrydis lib. β. Syrup. de stæcad. unc. ij.
 elaterij scr. i. M. Adhibentur hæc in materia calida, tepida, in frigida, calida;
 quemadmodum, & de errhinis dictum est. Illud autem circa omnia ca-
 putpurgia notandum est, ad vsum ea perducenda esse, vbi præsens est ma-
 teria euacuanda, prius tamen præparata, ut supra dictum, & celebrata con-
 coctione cibi in ventriculo. Venio ad euacuancia caput insensibiliter.
 Hæc verò, & interna sunt, & externa. Interna, varia sunt. Primum, deco-
 cta, in materia calida ex Santalis, China, Lëtisco, Salsa, & cortice Guaiaci;
 in frigida ex Guaiaco, ligno visci quercini, Sassafras. Secundò, Varia me-
 dicaméta assumpta hora somni, ut sunt in materia calida cum Trochiscis de
 vipera sacch. rosatum; idem saccharum cum spec. Diatrionfant; idem sacch.
 cum pulu. coriand. præp. vel cornu cerui vsti, vel boli armeni ex Auicen-
 na; pulvis sacch. ros. in tabul. cum pulu. cornu cerui, margarit. santalor. co-
 riand. præp. ad cochleare datus ex vino cydoniorum: in frigida Theriaca,
 & Mithridatus antiqua; extractum Guaiaci cum conseru. capitali. Præ-
 ter hæc omnia ad pituitam absumentam, plurimum valent Myrobalani
 ehebuli conditi. Item Sotyræ magna Auicennæ ad scr. ij. in aquæ roris ma-
 rini unc. j. ss. in aurora exhibita. Præclarissimam verò sæpè operam præ-
 stant, in absumentis Catarrhis, phlegma, oleum, & spiritus chalchanti chy-
 micæ parata, si in liquore aliquo, aut conferua convenienti exhibeantur.

H

phlegma

Errhina li-
quida.

Masticatoria.

Inunctiones
palati.

Gargarismi.

Euacuancia
caput insen-
sibiliter.

Interna.

1.

2.

phlegma quidem ad scr.ij. Spiritus ad scr.fs. Oleum ad gr.ijj. vel iij. Tinctura item corallorum rubeorum præstantissima habetur ad drach. fs. data.

Externa. A proprietate quidam volunt Catarrhos absumere, puluerem stomachorum gallinarum, potunt in liquore congruo: cuminum madefactum in aceto, masticatum, & deglutitum: item atuellanas assas, si sex, uel octo post pastum sumantur: quæ tamen fortè siccitate, potiùs, quàm occulta vi prodesse, non immeritò possunt existimari. Externa euacuantia, sunt discutientia, & siccantia capiti applicita, quæ sub varijs formis conueniunt, sacculorum, puluerum, lotionum, cucupharum, emplastrorum, ceratorum, Synapismatum. Sacculi tonso capiti applicantur cum frictione. Fiunt ex milio asso, sulphure, sandaracha Arab. calamo aromatico. Puluis futuræ coronali inspergitur ex caryophyll. mace, cortice citri sicca, stœcade Arabica, thure, & sandaracha Arabum. Lotio capitis sicca potest adhiberi, & humida. Sicca fit cum furfuribus, milio asso, florib. chamæmeli. Humida paratur ex lixiuio cineris sarmentorum, uel ficus, facta decoctione cum simplicibus capitalibus calidis, verbenâ, maiorana, absynthio, caryophyllis, adiectis rosas, & loco saponis vsurpato vitello oui asso, uel agarico, uel ipsomet sapone damasceno alterato cum caryophyll. mace, santalis. Cucupha noctu gestatur, & est lintæum duplicatum, in cuius medio sint confuti pulueres ex caryophyll. calamo aromatico, corticibus citri siccatis, floribus capitalibus, & rosas. Inter emplastra laudatur, quod ex cochleis integris assis conficitur, in sarragine tussis, adiecto olibano, & aceto. Ex ceratis sacrum laudatur, quod à principio poterit misceri cum cerato de betonica, & phœnicino. Priùs tamen, quàm hoc adhibeatur, fouendum caput in intemperie calida, per spongiam aqua dulci calida imbutam: in frigida, per spongiam, decocto simplicium calidorum infusam, uti chamæmeli, betonica, orig. calamenthi. Ceratum verò bis in die remouendum est, quia à materia egrediente per poros cutis redditur humidum. Sed ad absumendos antiquos, & inueteratos Catarrhos nihil hoc cerato præstantius.

Synapismi. Rec. Laudani vnc.ß. styrac. calamita drach.ij. Sandaracha Arab. drach. i. ambari scr. i. conor. cupressi, mastic. corall. amborum. spodij an. scr. ij. resina drach. vi. Soluatur laudanum cum resina, in vino ueteri, et coquatur ad viscositatem. f. ceratum adhibendum future coronali. Ad idem confert emplastrum siccans cerebrum, quod habetur apud Galen. lib. de paratu facilib. Synapismus conuenit, alijs non conferentibus. Hic verò apud veteres parabatur hunc in modum. Accipiebant caricæ pingues, pridie in aqua tepida maceratas, eas mox tundeant, & in malsam redigebant; deinde accipiebant Synapi acre, contundeant, & interim affundebant infusum caricarum, & in malsam pariter redigebant: postea, ubi volebant vehementem Synapismum componere, partes duas Synapi, cum vna caricarum componebant; sin imbecillem, contrario modo procedebant; sin mediocrem, vtriusque portiones æquales accipiebant. Porro Synapismus semper ex alto trahit ad superficiem: & in parte eousque detineri debet, quousque exulceret, aut cutim rubificet. Medicamenta, quæ ad motum materiæ referuntur, sunt reuellentia, & intercipientia, quorum maximus est vsus in Catarrhis suffocantibus, & exulcerantibus. In genere reuellentium, glandes, & clysteres acres habent principem locum. Pro clystere igitur. Rec. colocynthis. in petia ligata drach. i. agar. trochisc. in petia pariter ligati drach. ij. beton. sala. sampsu.

III.
Motum materiae compescientia.

Reuellentia.

Clysteres, & glandes.

*sainpfuchi, herbar. commun. an. p. i. M. bulliant in aqua simplici, vel Tetuciana, vel muria oliuarum ad medietatem. Colatura. Rec. q. s. hier. Logad. vnc. i. mell. rosat. sol. vel viol. sol. in materia calida, vel ad vigorationem maiorem mel-
 elleborini, ol. rutac. vel chamemel. in materia calidiori, an. vnc. iij. sacch. rub. vnc. i. ss. salis nitri drach. ij. M. cum vitello oui f. clyster. Glans acris pro di-
 uersitate materiae fieri poterit ex euphorb. colocynth. scammonio, vtroque
 elleb. trochisc. alhand. exceptis melle, & adiecto sale gemmeo, vel nitro, vt
 v. g. Rec. Trochisc. alhand. drach. i. euphorbij, scammonij an. gr. x. Salis gem-
 ser. i. ss. M. & cum melle f. duo suppositoria longa, quae vigorabuntur, si fiant cum
 melle elleborino. Sed haec faciunt potius ad reuellendam materiam, quae a
 partibus inferioribus fertur ad caput, & Catarrhi est origo. Quae proprie
 reuellunt fluentem Catarrhum, ea capiti ipsi adhibentur, & maxime ad su-
 turas, quanquam Gradus etiam post aures adhibet. Non recte vero a
 a quibusdam sistentia Catarrhum nominantur, cum sistentia Catarrhum
 proprie sint, quae incrassando eum intercipiunt. Pro huiusmodi vero
 reuellenti Gal. 5. Meth. 13. & 14. vitur medicamento ex thapsia, & sterco-
 re columbino. Veteres bregma ad cutem abradebant, deinde locum ca-
 pa, aut scylla confricabant: utebantur quoque Dropacibus compositis,
 quos passim est apud Aetium, & Oribas. legere. Ego, qui haec omnia pro-
 bo, urgente necessitate, vtor praeter illa sale communi, excepto cum oui al-
 bumine, quod suturae coronali appositum, quae siccando, quae reuellendo
 saepe egregie proficit: vtor item emplastro ex iberide. Verum ad reuollen-
 tia, refertur etiam balneum aquae dulcis, quod Auicenna probat in Catar-
 rho, tam calido, quam frigido. Galenus vero 6. de Tuen. Sanit. c. 9. in cali-
 do tantum. Quae in re ego ita puto, conuenire hoc balneum ea ratione, quae
 sudorem promouet. Sic enim materiam vitiosam euacuat, & ad ambitum
 totius retrahit. Vt autem sudorem moueat, debet esse calidum, quantum
 sufficit ad sudorem mouendum. In frigido tamen non conuenit, etiamsi
 praesens sit Catarrhus, ante coctionem, quia materia ob crassitiam, & lento-
 rem non cedit balneo; in calido vero conuenit etiam ante coctionem, quia
 cedit: corpus tamen non valde debet esse repletum. Illud etiam circa bal-
 neum hoc notandum ex Auicenna, si Catarrhus immineat, ab eo esse absti-
 nendum. Quoad intercipientia, haec incrassant materiam fluentem, ne in
 partibus capiti subiectis recipiatur. Hinc Gal. 3. de alim. c. 31. dicebat non
 licere vti papauere, vbi materia destillauit in pectus, sed antequam destillet.
 Ratio est, quia Quando agendum sumitur ab indicante praesente, vt in hoc
 casu, a materia fluente. Nam fluxa vsu intercipientium, & incrassantium
 magis redditur rebellis, ideo haec euacuans expectorans indicat, non retra-
 hens intercipientia. Conueniunt autem intercipientia in tribus tantum ca-
 sibus. Primo, Si fluxus sit nimius, & suffocans. Secundo, Si calidus,
 acris, acutus, & exorians. Tertio, Si cum Catarrho iungatur tussis aspe-
 ra, cum vigilijs, vel iam vrgentibus, vel instantibus. Caterum cum fere
 tempore somni materia fluat, & tempore vigiliae materia fluxa expurgetur,
 non est mirum, si Practici dent intercipientia post coenam, hora somni; ex-
 pectorantia tempore vigiliarum. Ex intercipientibus autem, quaedam as-
 sumuntur, quaedam gargarizantur, quaedam suffumigantur, quaedam odoran-
 da exhibentur. Assumuntur, in Catarrho calido, ex mitioribus Diatragac.
 frigidum cum Diacodio; vel Diapapauer, adiecto bolo armeno ad vnc. ss.:
 ex for-*

Qua capiti
admonentur.

Balneum aquae
dulcis, & circa
illud notanda.

Intercipientia
quodammodo
in casibus
conueniens.

Formula, &
materia inter-
cipientium.

Qua assuman-
tur.

ex fortioribus pilulæ de cynoglossa ad gr. viij. Theriaca recētiōr ad drach. j. & diaspermat. Galeni ex 5. Meth. 13. ad scr. ij. cuius cōpositio habet 7. Local. vel hoc incrassans, quo ego sæpē vtōr. *Recipit autem pulpa Sebesten vnc. i. sem. mel. mundat. vnc. s. sem. papau. albi drach. ij. Boli armeni veri drach. i. M. cum iulepo rosato s. electuar. Dosis drach. ij. pro vice.* In frigido Theriaca, & Mithridatus mediæ ætatis ad drach. i. Loch de pino, olibanum, myrrha, & spica in ore detenta, vel deglutita, Theriaca cum puluere spicæ in bolum excepta. In omni Catarrho. *Rec. thur. masc. scr. i. myrrhe. opij. croci an. gr. vij. succ. liquirit. scr. i. cum aq. ros. s. pil. vij. & vna pro vice sumatur.* Gargarizatur in Catarrho calido, aqua frigida, vel quod *Rec. decocti papau. albi. ros. lib. s. boli arm. veri pulueri. drach. i. M.* quod etiam refer lac chalybeatum cum emulsione semini papaueris albi. Pro frigido. *Rec. decocti olibani, vel Vernicis, vel nucū cupress. lib. s.* In quibus tamen oībus ea adhibeatur cautio vt ne cū impetu nimio eger gargarizer. Suffumigantur in calido sandaracha (Arabū intellige) in aceto macerata: vel etiā hoc, qđ *Recipit māna, seu corticis thuris ladani, mastice. an. scr. s. santal. rub. & luteor. corall. rub. an. drach. i. flor. ros. rub. siccat. drach. iij. Fiat puluis, inpergatur carbonibus ignitis:* in frigido olibanum, myrrhā, saccharum, spica, lignum aloes, cum sandaracha, item & femina nigellæ torrefacta, & trita. Est tamen ab his in asthmaticis cauendum. Quoad odoramenta, in Catarrho calido fieri possunt poma ex floribus rosar. nenuph. santalis oībus, tritis in aqua ros. cui in fine aliquid cāphoræ additum sit, & exceptis cum gummi arab. dissoluto in aq. ros. In frigido eadem concinnari possunt ex olibano, mastice, vernice, styrace calamita, spica, ladano, ligno aloes, costo. Restant alteratia, ut scilicet fons ipse mali curetur, ne in illum errorem antiquorum incidamus, qui partem ad quam influxio decumbebat, sanare aggrediebantur, nulla ratione originis habita, quos repræhendit Gal. 6. de Sanit. Tuend. 9. In intemperie igitur calida, & Catarrho calido, varia conueniunt medicamenta, tum interna, tum externa. In genere internorum, laudo conseruas refrigerantes, vt i rosar. violar. nenuphar. sacchar. ros. permixtum cum spec. Diatrion sant. hora somni assumpta; serum cum succo cichorei mane datum; thermas frigidas, quales sunt Lucenses, & B. Virginis Patavij. In genere externorū primo loco occurrit medicamentum Galeni loco citato, nimirum perfusio capitis cum aqua dulci tepida, vel cum oleo rosaceo, & in maximo seruire, cum violaceo, nenuphar. ex aqua solani, vel lacte. Secundò, Cataplasma ex mica panis cocta in lacte, & oleo rosato, vel violato. Tertiò, Pulueres ex santalis, rosis; bacis myrti, myrrhæ, testis concharum, buccinarum, chamarum, pumice. Quartò, Stillicidium factum ex aqua simplici dulci, ex decocto rosar. myrti, plantag. portulacæ, & lactucæ, violar. & papaueris albi. Aquæ etiā thermales frigidæ in hunc vsum probantur. Sed & experientia docuit, in huiusmodi Catarrho, plurimum iuuare, si fons, deinde testiculi in viris; & in mulieribus mammæ, ac pedum soleæ inungatur oleo violaceo, & nymphetæ æquis portionibus mistis. Verum circā compositionem horum noto in ijs, quæ capiti adhibentur, semper admiscenda esse aliqua moderatè calida ad penetrationem, & cōseruationem caloris natiui. Vnde chamæmelum, anethum, & ex his parata olea, sunt opportuna. Quod ad rectum vsum attinet. Primò, circā modum agendi perfusiones, cataplasmata, & stillicidia, satius est adhibere moderatè calida. Qua in re tametsi

tamen si controuersia est, inter *Aetium*, atque *Mesuen*, & *Anicennam*, quorum ille dicit, probari stillicidium frigidū suprà caput ab alto cadēs, dummodò æger non sit debilis thoracis; hi vero asserunt, in Catarrho calido rarò actū frigida applicanda esse: puto tamen hos auctores sic facillè conciliari posse, ut nimirum si materia actu fluat in thoracem, abstinendū sit à medicamento actu frigido (secus.n., ob medicamenti frigiditatē, materia magis fluit) quod si actu non fluat, sed fluxura sit, quia non peccat motu, tunc non prohibetur tale medicamentum. Atque hoc voluit *Aetius*. Respicieus.n. ad materiam actu fluentem, addit illa verba, nisi thorax sit debilis. Nam ut talis suscipit. Tunc, & solum suscipit, ubi materia fluit. *Circà quando agendum.* conueniunt huiusmodi refrigerantia, ubi præsens est capitis intemperies calida. Sed cauendū est à prohibētibus, uti à materia in toto, & capite. hæc.n. prius est euacuanda. Amplius cauendum à frigiditate aeris occurrente, & exprimente materiā calidam, in capite calido genitam. Nam tunc, si adhibeantur, refrigerantia capiti calido, maius malum subsequitur. Ideo sequendum hac in re consilium *Rhasis*, qui in Catarrho recenti à frigore, ante sectionem venæ, iubebat pannis calidis, prius caput fouere, & odora menta ex nigella naribus apponi, quousque æger persentiat caliditatem in capite inductam. His.n. ipsis ante vsum refrigerantium adhibitis, euitabitur materię expressio. In intemperie frigida, intus conueniunt conseruare capitales, *Diamoscum*, *Diambra*, *Confectio Anacardina*, & vtraque antidotus magna antiqua, præcipuè hora somni. Atque huc referri possunt decocta calefacientia, ut ligni *Sassafras*, *Guaiacini*, visci querni; imò ipsæ thermæ, aluminosæ, sulphureæ, & salæ. Quanquam enim 1. *Simplic. 7.* istæ aquæ dicantur infensæ capiti, tamen id non simpliciter intelligendum est, sed calidas capiti calido infensas esse, non autem calidas frigido, aut contrā. Nam experientia docet, sæpè cum fructu vsurpari. Exteriùs conueniunt primò perfusiones ex decocto absynthij, betæ, sampsuchi, serpilli, hyssopi, calamenthi, pulegij, thymi, saluie, anthos, stœcados, sem. odoratorum, & agariçi; vel ex oleis chamæmeli, anethi, liliorum alborum, nardi, rutę, &c. Secundò, Lotiones cum lixiuio, ut suprà de discutientibus; vel secundum aliquos cum vino aromatico, decoctionis aromatum. Tertiò, Cucupha, de qua suprà. Quarto, Stillicidia ex decocto dicto, vel ex thermis calidis. Sunt qui summis laudibus extollant, pro corrigenda hac intemperie, vnā, aut alteram guttam olei ex optima Terebinthina, in aurem vtramq; sub lecti ingressum iniectam, & apposito gossypio muscato in sequentem lucem detentam. Sed videtur ad absumendam potius materiam Catarrhi valere, quo modo ad euacuantia insensibiliter pertineret, de quibus suprà. Quoad rectum vsum, *Circà modum agendi*, calida actū sunt vsurpanda. *Circà quando*, conueniunt præsentē malo; cauendo tamen à repletionē totius, & capitis; item à caliditate, ab aere, vel alia causa capiti inducta, liquefaciente materiā frigidam. Tunc enim prius perfundendum est caput oleo rosaceo; paulò post abstinendum ab eo, & in calefacientium vsum progrediendum. Atque his modis Catarrhi perficitur curatio. *Ceterum, quoniam* nonnunquam accidit, ut nullo ingenio nouæ materię inhiberi possit generatio, & cautēria patientes non admittant, pro præseruatione ab omni Catarrho, sed præsertim frigido, & potissimū in pectus, pulmonesq; destillate, maximè probatur vsus infra scriptarum pilularum, per vices tamen, & præsertim post aliqualem

Aetius & Mesuen, Anicenna conciliantur.

Alserasia materiam frigidam.

Interna.

Externa.

1.

2.

3.

4.

Rectus vsum refrigerantium calidorum.

Nota de præseruatione à Catarrho.

præparationem per Syrupos proportionatos, de quibus supra, dummodò calidiora tempora, vel febris, vel alijs eiusmodi affectus non obster, aut si necessitas cogat ijs uti æstivo tēpore, illis superbibatur serum lactis, vel alijs quod apozema refrigerans. Sunt autem pilularum harum alij mitiores, alijs fortiores. Mitiores. *Recipiunt agar. Troch. drach. v. Rhab. el. sub. pulu. aloes succotr. an. drach. ij. cort. myrob. chebul. citrin. indor. an. vnc. β. salis gemm. drach. ij. gingib. drach. i. s. M. Pulueratis puluerizandis, irrorentur decocto colocyntidis ter. & in umbra siccentur; deinde cum elect. ros. Mes. f. pasta. Dosis à drach. i. s. ad ij. Pro fortioribus. *Rec. colocyntid. drach. vi. agar. opt. diagridij. elleb. nigri. turpethi an. drach. iij. aloes vnc. i. spec. diarbod. Abbat. vnc. s. Species in vino maluatico, vel aqua tepida infundantur per dies quatuor, postea fiat expressio, & colatura, ac sæce abiecta, proyiciatur hac infusio supra res prædictas, crasso modo confusas, & ita per octo dies relinquatur: tum fiat colatura, & expressio, & sæce abiecta ponatur liquor in elambico vitreo, & separata per sublimationem humiditate, remanet materia densa, veluti mel, cum qua pilule componuntur, quarum dosis est ad scr. i. De cætero pioderit sibi habere familiarem aliquam conseruam, eamq. sumere à cæna ad vnc. s. ex ijs quæ supra commemoratae sunt, tum in materia calida, tum in frigida: Sed de medicamentis, quæ dicta sunt hactenus, sufficiunt.**

MATERIAE DIAETETICAE.

*Aer Catarrho
conueniens.*



*U*ter vs ratio sic instituenda est. Quoad aerem, ex *Auicenna* in omni Catarrho fugiendus est aer frigidus, maxime si prius caput calido fuerit expositum: nam sic exprimitur materia. Vnde *Cels. lib. 4. c. 2.* repentinam mutationem aeris ad frigus, & calorem, vel maximè destillationes gignere scriptum reliquit. Sit igitur in actiuis moderatus, nec calidus nimis, qualis est Aquilonius, quod ille repleat caput, & liquefaciat, hic vtrò exprimat: in passiuis potiùs vergat ad siccum. Atque hæc causa est cur Bononiæ nostræ, vel maximè Catarrhus sit infestus, quia aer eius frigidus est, & humidus, & præterea ob tenuitatem penetrat. Hinc *Aurelianus* ad maritima loca mittit laborantes Catarrho. Caueatur igitur à ventis, pluujs, item à Lunæ radijs, à grauius pileis, prælongis capillis, capitis frictionibus, breuiter ab omnibus, quæ vel calefaciendo liquare, vel refrigerando possunt exprimere. In cibo considerata est, tum quantitas, tum qualitas. Quoad quantitatem, improbatum ab Arabibus copia ciborum, quia excrementum catarrhale auget. Vnde *Auicenna*, sitim, & famem catarrhosis præscribit: *Celsus* dimidiam partem cibi consueti sensim subtrahit, quod tamen in credendo Catarrho cautè faciendum est, ne ex nimia inedia Catarrhus magis incrementetur. De coena, Vtrum prandio debeat esse parcior, disputant nonnulli. *Conciliator diff. 101.* mordicus tenet, semper coenam debere esse parciorem, & idem sentit *Mesue*. Contrà statuunt *Curtius*, & *Oddus de Oddis in libell. de prandio, & cæna*. Rationes eorum hæc sunt. Primò, Quia sic antiqui consuevere. Secundò, Quia noctu melius concoquitur cibus. Mihi magis placet sententià *Mesuei*. Ratio est. Primò, Quia Catarrhus, maximè frigidus habet accessiones noctu. At in accessionibus morborum, quantum potest, abstinendum a cibo, *1. aph. 1. c. 19.* Secundò, Quia sic materia destillationis consu-

*Verum cæna
prandio debeat
esse parcior.*

consumitur, & non supeditatur noua. Tūm, quia calor, à multo cibo nō distrahatur, melius cōsumit: Tūm, quia nō fit euaporatio tanta. Nec valet, quod contrā obijcitur, eadē hāc incōmoda sequi, si in prandio plus cibi sumatur: qm̄ ob varios motus, & pororum apertionem dissipantur vapores, & a cerebro retrahuntur. Sit igitur rata hāc sententia, nisi consuetudo obftet, & patiens post coenam, per quatuor demum horas, eat cubitum. Hinc *Gal. in consilio pro puero Epileptico*, coenam concedebat vberiore, quia eius tempore, homines post multas demum a coena horas ibant cubitū, quippe hora diei nona coenantes; quamuis alia etiā reddi ratio possit, quia sc. pueri de die dormiunt. Ad rationes contrarias. Ad primā quid dicendū sit, patet ex modō dictis, de puero Epileptico; & præterea excepta est a nobis consuetudo. Ad secundā respondetur. Sicuti fit bona coctio, ita fit quoque repletio capitis ob materiæ, nimiam copiam. Quoad cibi qualitatem, si substantiæ ratio spectetur, cibus in Catarrho calido sit mediocris, & dū fuit, crassus; in frigido tenuis, facilis coctionis, boni succi, pauci excrementi. Si consideretur qualitas accidentalis, in calido Catarrho sit refrigerās; in frigido calefaciens, attenuans, detergens. Quare caueatur a carnibus vetustis, & salcis, in Catarrho calido: in quolibet, a piscibus palustribus, lacustribus, ostreis, herbis, lacticijs, cibus ex farina, frixis oībus, omnibus item vaporosis, vt capis, allijs, synapi, leguminibus flatulentis; concedantur carnes optimæ, pisces petrosi, oua. Cibi coquantur cum herbis capitalibus, modō frigidis, modō calidis. Ex fructibus conueniunt amygdalæ, nuclei pinci, pistacia, passulæ, caricæ, poma, pira dulcia; &c. Paulo maximè probantur sorbitiones, amyglum, prissana, oua sorbilia; panis in aqua decoctus cum succo amygdalarum; aut sem. melonum; in causa calida; aut cum pini fructibus, in frigida. Acrius ciseum tenerum, ac recentem, tanquā vtilem, commēdat; & in frigida causa cauliculos brassicæ, ipsamq. brassicā coctam, nec minùs, si à ieiunis ipsimet cauliculi crudi edantur; butyrum quoque laudat, & in robustioribus porros probè coctos: in calida, lactucæ cauliculos parumper feruifectos, & intinctos in posca. Circā potum, varia dicuntur ab auctoribus. In Catarrho calido Rhasis damnat vinū, quia calefacit, & materiam defert in caput: magis verò id improbat in Catarrho calido, & humido. Caput. n. vt calidū attrahit, ut humidum suscipit. In capite calido, & sicco, *Gal. 5. de Tuen. xi.* admittit vinū, cum humectet, bilem attemperet, euacuet per lotium, sudorē, vrinam. In frigido Catarrho Auicenna cōcedit vinum, nisi quid vrgeat. Sed existimo posse concedi vinum in omni Catarrho, oligophorum tamen, rubellum, subausterum, in pauca quantitate, quod in calido alteretur cum radicibus cichorei, santalis, & ad ficcationem cum lentisco, salsa: in frigido cum floribus, & folijs anthos, saluæ; & ad discussionem, cum Guaiaco, visco quercino. Porro post omnem cibum, & potum in fine mensæ, & præcipuè si malum fiat vitio partium naturalium, conueniunt pira, vel cotonea cocta, cydoniatum, saccharum rosatum, semina coriandrorum de media coperta. Somnum, & vigiliam *Auicenna* vocat curationis Catarrhi radicem. Sint autem somnus, & vigilia, quoad quantitatem mediocria. Vt. n. nimia vigilie cruditates pariunt: ita somnus nimius expectorationem prohibet. Vnde improbat *Schola Salernitana*, cuius id decretum est, *Ieiunent, vigilent, sitiant qui rheumata curant*, nisi fortè dicatur, eam non loqui de Catarrho simpliciter, sed de Catarrho impetuosè fluente, in quo

Cibi qualitas.

Potus.

Vinum potest concedi in omni Catarrho, & quale.

Somnus, & vigilia.

An dormien-
dum depresso
capite an ele-
uato.

Excreta, & re-
tenta.

Venus an con-
ueniat catar-
rhosis.

Animi, & cor-
poris motus.

in quo expectoratione maxima est opus. *Quoad Quando agendum*, vetatur somnus diurnus. Noctu enim virtus concoquit, de die distribuit, & ratione consuetudinis, & ratione aeris, qui noctu magis fauet retractioni caloris ad centrum, & proinde concoctioni, de die magis motui ad circumferentiã, & proinde distributioni. De modo. Supinus decubitus omninò improbat. Eo. n. renes, & vena caua incalescit, vnde copiosi ad caput vapores eleuantur. An autem dormiendum sit depresso capite, an eleuato; *Auicenna* vult depresso, quia sic minùs vaporibus caput repletur; quod declarat exemplo alembici recti, & lateralis in cucurbita. Eiusdem sententiã videtur esse *Arist.* 10. *Probl.* 53. vbi causam reddens, cur inter cætera animantia homines, & aues magis grauedine tententur, eam refert in erectum eorum caput. Sed distinguenda sunt Catarrhi tempora. Nam vel fluxit iam materia, vel adhuc fluit. Si fluit, ob rationes *Auicennæ*, & *Aristotelis*, depresso capite conuenit decubitus: si fluxa est, erecto. Secus. n. & expectoratio prohibetur, & auge-
tur spirandi difficultas. *Quoad excreta, & retenta*, fugienda est omnis nimia, & inanitio, & repletio. Illud verò præcipuè curandum, alius vt detineatur lubrica, clysteribus emollientibus ex oleo, butyro, & iure; vel nonnunquam, vsu postulante aliquam acrimoniam, ex muria oliuarum, cum saccharo rubeo; pilulis de aloë cum succo rosar. lota ad scr. ij. in principio cœnæ adsumptis; pane ex tota farina, cum sale, anisis, & passulis, vel coriandris parato, in principio mensæ commanso. De Venere controuertitur, An Catarrhosis conueniat. Conferre illam, & auctoritates videntur suadere, & rationes. Nam *Hipp.* 6. *Epid.* sect. 5. *lex.* 23. expressè ait, morbis è pituita cõferre Venerem: & 5. *Epid.* narrat Timocharem vsu Veneris a destillatione euasisse. *Aristoteles* quoq; idẽ vult 4. *Probl.* 17. His ratio accedit. Quia Venus (ex *Hipp.* lib. 1. de Diet. *sex.* 22. et *Arist.* 4. *Probl.* vbi quærit, cur *Melancholici* inueniuntur à Venere) calefacit, & consumit frigidos humores, & pituitosos. Contra tamen sentit *Rabb. Moys.* 9. *aphorism. suorum*, qui omnem vsum Veneris in Catarrho improbat. Est & ratio in contrarium. Quia Catarrhus est morbus cerebri. At cerebrum lædit Venus, ex *Galen.* 3. *Epid.* com. 3. vbi de adolescente in Malibea. Vnde ex eodem *Galen.* 2. *Epid.* in *Pythione* a *Democrito* dicebatur parua Epilepsia. Sed res hæc faciliè decerni potest, ex ipso *Galen.* 5. in 6. *Epid.* 23. ex cuius sententia prodest Venus morbis ex pituita, & consequenter Catarrho, sed in ijs, qui robusta sunt virtute, non qui debili. Id quod tamen de ijs solis intelligendum, quibus per leges Christianas ea concessa est. Restant animi, & corporis motus. Conuenit igitur exercitium moderatum ante cibum. Dico moderatum. Nam vehemens replet caput, 1. de Humor. cap. 18. Cæteroqui tam animi, quàm corporis quies imperanda est. Humor enim coctionem affectus postulat: & hæc quiete perficitur, impeditur motu.

Atque hæc habui, quæ de Catarrho breuiter cum Medicinæ studiosis communicarem. Qua in re, vt laudare meam operam nec volo, nec me decet: ita in illud vnice incubui, vt quantum posset, accurata esset, & completa tractatio. Quod an affectus sim, id doctiorum erit iudicium: cui, vt alia nostra omnia, quæ in communem candidatorum Medicinæ utilitatem scripsimus, aut scribemus, ita hæc quoque libentissimis animis subiicimus.

Laus Deo, & Santissime Virgini Matri.

